



格致鏡原

卷八十三四五六

卷八十三

獸類

熊 狸 狒 狼 鹿 駝 驢 騾

卷八十四

馬上

卷八十五

馬下

卷八十六

牛

第四帙

13

2226

26



門 1 3
號 2226
卷 26

格致鏡原卷八十三

獸類二
熊 能

總論

說文熊似豕山居冬蟄春出

詩義疏熊能攀

緣上高樹見人則顛倒投地而下

述異記熊獸藏於

山穴穴裏不得見穢及傷殘見則合穴自死

墨客揮

犀熊以山中行數十里悉有跽伏之所必在石岸枯木

中山民謂之熊館唯虎出百里外則迷所出道路

碎錄熊食少許鹽即宛轉而死

抱朴子熊壽五百歲

則能化為狐狸

寶雞錄熊得人輒搔人喉若腋令笑

人仆舌舐面血以為快人屏氣陽死乃棄去還視之再

格致鏡原卷八十三 獸類 熊

< 41-10310 >

三人蘇欲起逃去追而扼之山民習其狀能脫於死
埤雅熊好舉木而引氣謂之熊經莊子所謂熊經鳥伸
是也冬蟄不食饑則自舐其掌故其美在掌左傳楚
成王見圍請食熊躡而死注躡掌也熊躡難熟羹有外
救本草會編熊掌古最重之得酒醋水三件煮熟則
臙大如皮毳西陽雜俎熊膽春在首夏在腹秋在左
足冬在右足劉跂暇日記熊膽奇藥家有小兒者不
可無此佳者通明如米粒用草荏煎入水轉如飛惟性
急者良淮南子熊當心有白脂如玉味其美俗呼熊
白本草經熊白味甘微溫無毒止風痺埤雅熊罷
富脂至春臙瘻卽登高木自墜謂之撲臙今人畜熊以

挺撻之更致壯長蓋傲於此周禮穴氏掌攻蟄獸各
以其物火之註謂熊罷之屬冬藏者燒其所食之物於
穴外誘出之異苑熊居大樹孔中東土呼熊爲子路
以物擊樹云子路可起於是便下不呼則不動廣異
記巴西有巨熊稱六雄將軍左傳昔堯殛鯀於羽山
其神化爲黃熊以入於羽淵武帝紀注禹治水通轅
轅山化爲熊謂塗山氏曰欲餉必聞鼓聲乃來禹辨不
誤中鼓塗山氏往見禹方作熊慙而去
援神契神靈滋液百珍寶用則赤熊見赤熊見
則好先自遠六韜周文王拘於羑里散宜生得黃熊
獻紂免西伯之難周書成王時不屠國進青熊西

京雜記趙飛燕女弟居昭陽殿玉牀白象牙簾綴熊席
席毛長二尺餘人眠而擁毛自蔽望之不能見坐則沒
膝其中雜熏諸香一坐此席餘香百日不歇宋書元
嘉二十年白熊見新安歙縣太守到元度以獻魏志
大秦國出玄熊唐書貞觀三年南蠻酋元深入朝冠
烏熊皮山海經倫山之熊如麋其川在尾上郭璞注
川窠也爾雅翼有豬熊馬熊人熊人熊即雌
爾雅如小熊竊占淺毛而黃郭注狀如熊而小毛淺赤黃
色俗呼赤熊為魑也五雜俎新安樵者得小熊大如
猶蹠跚庭中犬至猛者見之亦滿下西陽雜俎唐高
宗時伽昆葉國獻天鐵熊大如狗蒼色能擒獅象虎狼

爾雅羆如熊黃白文註似熊而長頭高脚猛慤冬
方能拔樹木關西呼曰羆羆卑雅羆似熊而大從目
能緣能立遇人則擘而攫之俗云熊羆眼直惡人橫目
其白生於心之下背之上亦如熊白而羆秋冬則有春
夏則亡說羆有黃赤二種披髮人立絕有力者爾
雅翼羆者云熊是其雄羆則熊之雌者羆力尤猛詩
義疏羆有黃羆有赤羆大於熊其脂如熊白而不如熊
白美也

說文能熊屬足似鹿獸之堅中而彊壯者故謂人
強幹曰能述異記陸居曰熊水居曰能

猩猩

俗政鏡原卷八

獸類 羆 能 猩猩

三

爾雅猩猩小而好啼註山海經曰人面豕身能言語今交趾封谿縣出猩猩狀如獾狍聲似小兒啼禮記猩猩能言不離禽獸萬畢術猩猩知往文選注猩猩獸名熊之類也性好酒醉則不能行乃啼爲人所擒俗云猩猩啼而就擒獨異志漢黃霸爲封谿令部人陳廉攜酒并猩猩以獻霸問曰何物人未及應囊中語曰斗酒并僕耳霸以其物有靈開囊放之猩猩悲啼而去呂氏春秋肉之美者猩。猩之辱水經注武平封溪縣有獸曰猩猩猿形人面顏容端正善與人言音聲妙麗如婦人對語聞之無不酸楚其肉食之窮年無厭可以辟穀格物總論猩猩毛翠色能知人姓名及人志

世各字與人家往事在山谷間數百爲羣取其血染毛剝色鮮不黯國史補猩猩好酒與屐人欲取者置一物以誘之猩猩始見必大詈云誘我也乃絕走而去之去而復至稍稍相勸頃盡醉其足皆絆朝野僉載猩猩如美人解人語知往事以嗜酒故以屐得之檻百數同牢飲食之衆自推肥者相送流涕而別蟬史猩猩嗜酒著屐見酒相與連臂號泣同就醉躡屐舞而仆每捕獲必蠶之使自言血幾何猩猩惜其血必少應益痛撻之乃增多至必不肯言則殺之所得血如所許之數雲嶠類要談苑云宋太祖平嶺南求得猩猩如雄鴨而大取其血染色如渥丹與傳記所載不同

狒狒

爾雅狒狒如人被髮迅走食人註梟羊也山海經曰其狀如人面長唇黑身有毛反踵見人則笑交廣及南康郡山中亦有此物大者長丈許俗呼之曰山都一名曰顛郭璞狒狒讚狒狒怪獸被髮操竹獲人則笑唇掩其目終亦號跳反為我戮西陽雜俎狒狒飲其血可以見鬼力負千斤笑輒上吻掩額狀如獼猴作人言如鳥聲能知生死血可染緋髮可為髮舊說反踵獵者言無膝睡常倚物周書王會周成王時州靡國獻萬萬人身反踵自笑笑則上唇翕其目食人北方謂之吐噉庶物異名疏萬萬鼻羊也吳都賦萬萬笑而破格狀

如人披髮迅走見人則執手而笑乃食之人因以竹筒致臂而與之則執筒而笑笑則脣上掩其目人抽臂以鑿綴其脣於額而殺之羽獵賦作噪陽鄧德明南康記山都形如崑崙奴通身生毛見人輒閉目張口如笑好在深澗中翻石覓蠃噉之異物志廬陵大山之間有山都似人躡身見人便走自有男女長四五尺

狼附豺

說文狼似犬銳頭而白頰高前廣後草木子狼善視詩疏狼牡名羆牝名狼其子名獾有力者名迅其鳴能小能大善為小兒啼聲以誘人去數十步止其猛捷者人不能制雖善用兵者亦不能免也其膏可煎和其

皮可爲裘。[埤雅]里語狼小食狼將遠逐食必先倒立
以下所向故今獵師遇狼輒喜蓋狼之所嚮獸之所在
也其靈智如此故古之造式者木用槐瘦棗瘡而以狼
牙爲柱取其靈智也。[詩]幽風狼跋其胡載鼈其尾。[註]
狼老者項有懸肉。[草木子]狼尾一孔三毛。[周禮]獸
人冬獻狼。[注]狼膏溫故冬獻之。[酉陽雜俎]狼大如狗
蒼色作聲諸竅皆沸。[性]中筋大如鴨卵有犯盜者燒此
筋以烟熏之當令手攣縮或言狼筋如織絡小囊蟲所
作也。[全雅]狼腸直故作聲諸竅皆沸。[埤雅]古之烽
火用狼糞取其烟直而聚雖風吹之不斜。[物類相感
志]狼貪殘之獸也取皮掛羊棧羊不出門。[名物攷案]

狼之喻最多言其恣食則曰狼餐言其恣取則曰狼爲
言其威顧則曰狼顧言其亂走則曰狼竄言其陸梁則
曰狼扈言其專悞則曰狼狽言其不恤則曰狼戾言其
不檢則曰狼籍言其乖謬則曰狼狽。[蟬史]狼起臥游
戲多藉其草而草皆穢亂故里語云狼籍又曰狼扈
[酉陽雜俎]狼狼是兩物狼前足絕短每行常駕兩狼失
狼則不能動故世言事乖者稱狼狼。[抱朴子]狼壽三
百歲則解暫變化爲人形。[白澤圖]百歲狼化爲女人
名曰知女狀如人坐適傍告丈夫曰我無父母兄弟丈
夫妻爲妻三年而食人以其名呼之則逃去。[述異記]
周幽王時羊化爲狼洛南有避狼城云幽王時羣羊爲

狼食人故築城避之今洛中有狼村是其處也
突厥之先為隣國所破有一小兒棄草澤中有牝狼以
肉飼之及長與狼交合遂有孕焉逃於高昌國北山洞
穴遂生十男長大外託妻孕其後各為一姓阿史那即
其一也
北史突厥旗纛之上施金狼頭侍衛之士皆
為附離夏言亦狼也
張讀宣室志張鈺過巴侯置酒
邀滄浪君至一人衣蒼其質魁岸天將曉飲悖寤見一
狼臥於前蓋所謂滄浪君也
抱朴子山中寅日稱當
路君者狼也
瑞應圖白狼金精也上有仁德明哲則
見一曰休子商湯為天子都於亳有神手牽白狼口銜
金鉤而入湯庭
郡國志絳慶府山出野狼眼在背上

能食諸獸
吳郡賦注麀狼大如麀角向前有長下山
反向上長者四五尺常居平地不得入山林
異物志
麀狼形似鹿兩角觸前向入林則挂角但在平淺草中
逐入林則得之皮可作履襪角正回據南人以此作踞
牀

禮月令季秋豺乃祭獸
獸禽註祭獸者祭之於天
殺禽者殺之以食也
埤雅豺狗是似狗而長尾白頰
高前廣後其色黃季秋取獸四面陳之以祀其先世
埤雅瘦如豺豺柴也豺體細瘦故謂之豺棘人骨立謂
之豺毀義取諸此
山堂肆考俗云羣豺噬虎言其健
猛且衆可以容虎也史云豺見虎睡則遶而溺之虎不

能起遂噬之又云豺舌似棘

鹿附康麋麀鹿

總論

春秋運斗樞瑤光散而為鹿江淮不祠則瑤光

不明彘生鹿家語四九三十六六主律律主鹿鹿故

六月而生熊氏曰鹿孕子於仲秋而生於春古今

注鹿有角而不能觸爾雅疏鹿解角獸也藁萃善走

者也卑雅鹿性警防分背而食以備人物之害蓋鹿

萃善走者分背而食食則相呼羣居則環其角外何以

防物之害已瓊碎錄鹿夜臨宿下鹿角寨大者角向

外四圍小者在中團圍如寨今人以木倣作鹿角寨

曠史鹿牡有角無齒牝有齒而無角無齒謂上齧無齒

有齒謂上齧有齒若下齧則牝牡俱有齒也戒菴漫

筆鹿初生鼻邊有缺者是雄天玄主物簿鹿者仙獸

常自能樂性從其雲泉至六十年必懷瓊於角下角有

斑痕紫色如黠行或有涎出於口不復能急走矣抱

朴子鹿壽千歲滿五百歲則色白劉向列仙傳鹿一

千歲為蒼鹿又百年化為白鹿又五百年化為玄鹿

埤雅麋鹿亦喜經南人取之則衣絳服而舞麋鹿輒注

視不動因以利刀刺之天中記鹿性嗜鹹灑鹽於地

以誘鹿射之遼穆宗時舐鹹鹿於玉山黃山谷帖胡

居士嘗言鹿性驚烈多別良草恒食九物餘則不嘗羣

處必依山岡產歸下擇享神用其肉者以其性烈清淨

故也凡餌藥者勿食鹿肉服藥必不得力以鹿嘗啖解
毒之草是故能制毒散諸藥也九草者葛葉及花鹿蔥
鹿藥白蒿水芹甘草齊頭蒿山耳薺茺
虎蒼山中人
言凡鹿羣出則十數老雄當先眾雌從中行又十數雄
殿之其行止一視在前之雄豎尾所向一遇虎則當先
者皆挺其角當之以俟眾雌逸去然後去虎亦瞪視無
如之何夜臥則一鼻抵一谷道環而臥或云鹿接臥其
氣貫河不絕故其壽極久
呂溫由鹿賦序野人繫鹿
問之答曰此為由鹿由此鹿以誘致羣鹿也此鹿每有
所至輒鳴嗥不食者累日
宋祁筆記唐呂溫作由鹿
賦曰由此鹿以致他鹿故曰由鹿予案說文曰率鳥者

繫生鳥以來之名圖國音由呂得其意而不知說文有
此圖字也
北夢瑣言江陵松滋枝江村射鹿者率以
洵河鳥脰骨為管以鹿心上脂膜作簧吹作鹿聲有大
號小號呦呦之異或作鹿鹿聲則鹿鹿集蓋為牝聲
所誘人得發矢而注之南中多鹿每一牝管百頭至春
鹿瘦蓋遊牝多也及夏則唯食菖蒲一味却肥當角解
之時其茸甚痛獵人逢之其鹿不敢逸走伏而不動獵
者以繩繫其茸截而取之先以其血來嗽然後斃鹿
孔六帖陸紹弟為盧氏縣尉常觀獵忽遇鹿五六頭臨
澗見人不驚毛斑如畫獵者言此仙鹿也射之不能傷
且復不利
酉陽雜俎胡珣為虢州時獵人殺得鹿重

一百八十斤蹄。下貫銅環。上有篆字。博物者不能識。
月令仲夏鹿角解。仲冬麋角解。方氏注。鹿好羣而相比。
陽類也。故夏至感陰氣而角解。麋多慾而善迷陰類也。
故冬至感陽氣而角解。蟬史。麋一年角如釘。二年角
二臺。三年三臺。至四臺。每年解而復生。若四歲之鹿。一
解角之後。一生更有四臺角也。衝波傳。鹿生三年其
角自墮。古今錄驗。人患妖魅鬼病。不肯言者。以鹿角
屑搗散水服之。蟬史。凡物骨肉之易長者。莫速于鹿。
故鹿角能補氣血。為諸藥之最。凡鹿白臆者。不可食。
續松漠紀聞。麋角與鹿角不同。麋角如駝骨。通身可車。
卻無紋。生枝不比鹿。小鹿頂骨有紋。上下無之。亦可熏。

成紋。西陽雜俎。木耳夷舊。半西以鹿角為器。續松
漠紀聞。鹿頂合。燕以北者。方可車。須是未解角之前。才
解角。血脉通冬。至方解。頂之上為合。止須亦作合。好者
有人字。不好者成八字。有髓眼。不實。北人謂角為鹿角。
合頂為鹿頂。合鹿角。南鹿不實。定有髓眼。不可車。
北地角未老。不至秋時不。埤雅。麋茸。利補陽。鹿茸。
利補陰。凡茸無藥。太嫩。世謂之茄子茸。但珍其難得耳。
其實少力。堅者又太老。惟長數寸。破之。肌如朽木。茸端
如馬腦。紅玉者最善。藥議。按月令。冬至麋角解。夏至
鹿角解。陰陽相反如此。今人用麋鹿茸。作一種。殆疎也。
又用刺麋鹿血。以代茸者。云茸亦血。爾此大誤也。地

記首陽山在蒲州南四十五里上有二賢祠二賢像宋
 元祐中所塑其前塑一白鹿土人曰二賢食藜兼飲鹿
 乳故塑之〔南史〕扶南國有鹿車國人畜鹿如中國畜
 牛取乳為酪〔說文〕麗旅行也鹿之性見食急則必旅
 行禮麗皮納聘蓋鹿皮也〔史記〕古者皮幣諸侯以聘
 享漢武帝乃以白鹿皮方尺緣以藻纘為幣直四十萬
 王侯朝覲享聘必以為薦〔盧氏雜記〕唐明皇命射生
 官射鹿取血煎鹿腸食之謂之熱洛酒〔孔六帖〕魏國
 夫人就屋梁懸鹿腸於半空筵宴使人於梁上注酒於
 腸中結其端欲飲則解開流於盞中號洞天聖酒〔西陽雜俎〕梁劉孝儀食鯖鮓魏使崔劼李騫在梁孝

儀曰鄴中鹿尾乃酒餚之最劫曰生魚熊掌孟子所
 雞跖猩唇呂氏所尚鹿尾乃有奇味竟不載書藉每用
 為恨孝儀曰寡自如此或古今好尚不同梁賀季曰青
 州蟹黃乃為鄭氏所記此物不書未解所以騫曰鄭亦
 稱益州鹿尾但未是尾耳〔祥驗集〕唐寶曆二年春范
 陽節度使朱克融獵鹿鹿膽中得珠如彈丸黑色初軟
 後硬如石光明〔談苑〕吳長支使虜虜人打圍無所獲
 忽得一鹿請南使觀之須臾剝剥了已昏夜矣數兵煮
 其骨食之皆嘔血吳左丞雷雙嘗於銀器中云此最補
 爰且欲薦之翌日銀器內皆黑色乃毒矢所斃爾不敢
 洩埋之而去〔投荒雜錄〕雷郡有鹿腥無味不可食俗

云海魚所化。郡人嘗見魚首而身為鹿者。三元參贊

五月勿食鹿肉。傷神。豹文者殺人。鹿茸不可嗅。鹿肉痿

人陰。清異錄道家流書言麀鹿。麀是玉署。三牲神仙

所享。故奉道者不忌。道書陶隱居云。麀鹿非辰屬。又

八卦無主。即生死無由。故道家許聽為脯。玄覽鹿食

龜鹿食蛇。山川記蝻蛇吞鹿。至角乃止。

詳說文。牡鹿曰麀。牝鹿曰麀。又作麀。鹿迹曰麀。麟

大牝鹿也。麀鹿。麀也。麀鹿子也。麀鹿之絕有力者也。

格物論。麀鹿之大者。說文鹿子。又曰麀。一歲曰鹿。二

歲曰麀。三歲曰麀。禮書鹿之為物。善接其類。而驕尤

出於天性。故先王取焉。瑞應圖夫鹿者純善之獸也。

道術得則白鹿見。王者明意及下則見。晉後祥說白

鹿。仁獸也。色若霜雪。不與他鹿為羣。瑞應圖黃帝時

西王母使乘白鹿獻白環。崔玄山李母碑。老子乘白

鹿。下託於李母。仙鑑老子騎青鹿上昇。述異記漢

成時。中山人得立。鹿烹之。骨皆黑色。仙者說玄鹿為脯

食之。壽二千歲。孔六帖麀鹿。麀有鹿黑尾。寰宇記

張掖南山出赤鹿。足短而形大如牛肉。千斤。金樓子

夏禹之時。神鹿行於河水。廣博物志黃列子者嘗遊

獵九江。射中五色神鹿。逐跡尋穴。遇神芝。服而得仙。

珍玩續考神鹿大如巨猪。高三尺。蹄前平。截甚黑。後半

截白花。毛純可愛。鬣如猪鬣。不平。四蹄如猪蹄。脚有三

路止食草木不食腥出舊港國爾雅翼古稱馬似鹿者直百金今荆楚之地鹿似馬當解角時望之與馬無異土人呼爲馬鹿埤雅北方戎狄中有駝鹿極大而色蒼尻黃而無斑亦鹿之類角大而文堅瑩如玉其茸亦可用麟幾雜志駝鹿重三百斤效其聲致之茸如茄者切食之彙苑詳註福鹿身如騾樣白而眉心細細青條花起滿身至四蹄條間通如畫穆天子傳天子賜曹奴之人黃金之鹿孔六帖北狄渤海俗所貴者曰扶餘之鹿事物紺珠蠶蟲鹿出西域取其肉汁釀數日成酒醉人

鹿

郭鳴津陽門詩長生鹿瘦銅牌垂注上嘗於英

蓉園獲白鹿惟王吳山人識之曰晉時鹿也上異之命左右周視之乃於角際雪毛中得銅牌子刻之曰宜春苑中白鹿上由是愈愛之移於北山字之曰山客譯名義集佛書謂鹿爲伊尼抱朴子山中卯日稱西王母者鹿也知其物名則不能爲害海錄碎事鉅鹿侯鹿也清異錄武宗十玩圖謂鹿爲茸客清異錄華清宮一鹿千年精俊不衰人呼曰角仙本草鹿一名斑龍鹿與游龍戲必生異角鹿得稱龍以此博物志雲南郡出奈首其音爲蔡茂是兩頭鹿名也獸似鹿兩頭其腹中胎常以四月中取可以治地虺毒永昌亦有之魏宏南中志雲南郡有熊倉山上

有神鹿一身兩頭而角衆列能食毒草名食毒鹿
今注明帝永平中三角鹿出江陵孝和帝永元中豫章
徐汗得白鹿高丈九寸
偃曝談餘按秘閣有李贊華
畫千角鹿崇寧四年秘閣收畫以入使者疑其狀且求
古有是類者當得其名以備顧問董道謂邪希有鹿兩
頭而角且千道書有五頭鹿其角且千皆古之異鹿也
物類相感志科藤麋鹿出合浦康頭山其額上戴科
藤一株四條直上各高一丈許其生長若植在上也
偃曝談餘永徽四年來州有異獸高丈餘一角鹿形馬
蹄牛尾五色有翅乃知獸有似鹿而非鹿種者甚多

洽聞記常州江陰縣東北石叡山者梁時有戊

材人入此山見有麋鹿產仍聞小兒啼聲往視見產一
女子因收取養之及長乃令出家為道士時人謂之鹿
娘
五行記有一士人姓車是淮南人天雨舍中獨坐
忽有二年少女來就之著紫纈襦立其牀前共語笑車
疑之天雨如此女人從外來而衣服何不沾濕必是異
物其壁上先挂一銅鏡徑數寸回顧鏡中有二鹿在牀
前因將刀欲之而悉成鹿一走去獲一枚以為脯食之
述異記漢成帝末年宮中雨一蒼鹿殺食之味甚美
九色鹿經昔有一菩薩身為九色鹿毛色九種角白
如雪常在恒水邊飲食水草與一鳥為知識
獨異志
上虞蘭室山葛玄所隱之處有隱几化為鹿鹿鳴即縣

令有罪

麋爾雅疏麋總名也其牡者名麋其牝者名麀詩吉日云其麀孔有是也其所生之子名麇其脚跡所踐之處名躔其絕異壯大有力者名狄也

白虎通麋水獸也青黑色肉蹄一牡能乘十牝鹿屬也

埤雅麋善迷而善稼

熊氏曰麋孕子於仲春而生於秋

埤雅麋四目其二夜目也類從所謂麋目下有竅夜即能視是也故淮南子曰孕婦見麋而子四目

周禮獸人夏獻

麋注麋膏涼故夏獻之

埤雅凡含血之物肉最易長其次角難長最後骨難長故人自胚胎至成人二十年

骨髓方堅唯麋角自生至堅無兩月之久大者乃重二

十餘斤其堅如石計一夜須生數兩凡骨之頓成生長

神速無甚於此雖草木至易生者亦無能及之此骨血

之至強者所以能補骨血堅陽道強精髓也

招北客又巨麋如牛脩角如劍

博物志麋掘澤草而食其場成泥名曰麋咬

氏隨此咬種稱其收百倍

魏略文帝將受禪有白麋兒

抱朴子山中卯日稱東王父者麋也

本草陳藏器云蔡鹿兩頭麋也一名蔡余義

祖庭事苑鹿之大者曰麀羣鹿隨之唯其所往麀尾旋轉為準於文從鹿

主古之談者揮焉取諸此也

華陽國志鄴縣宣君山出麀尾一名菴鹿

埤雅麀獸似鹿而大其尾碎麀以置舊帛中能令歲久紅色不黧

又以拂氈令氈不蠹

麀 格物總論麀小於獐但口兩邊有長牙好鬪則用

其牙皮為第一無出其右者然多牙傷痕四方皆有山

深處則多其聲如擊破鈸 本草李時珍曰麀似麀而

小牡者有短角黑色豹脚脚矮力勁善跳越皮細膩

宋書銀麀刑罰得中民不為非則至 符瑞志色白者

曰銀麀施州一種色丹者曰紅麀 六書故麀音鹿同

類似鹿而角不岐毛不斑麀大麀小麀毛差黑而麀

地理志山多麀麀帥古注麀似鹿而大麀似鹿而小

麀 春秋運斗樞樞星散為麀 爾雅疏麀麀也麀其

總名也牡各麀牝各麀其子名麀其迹各解絕有力者

名豨 六書故麀似麀而脂黃亦謂黃羊 本草李時

珍曰麀似鹿而小無角雄者有牙出口外 古今注麀

有牙而不能噬麀臍下亦有香但不全耳 埤雅麀鹿

皆健駭而麀性膽尤怯飲水見影輒奔道書曰麀鹿無

魂又曰麀鹿白麀善怖為是故也 抱朴子山中未日

稱赤奕者麀也 符瑞志白色者曰銀麀 說文白麀

王者刑罰理則至 晉起居注咸寧中白麀見魏郡後

諸州各送白麀 本草麀無香有香者麀也俗呼土麀

為香麀

麀 字林麀小鹿有香其足似麀故曰麀足 稽康養

生論麀食柏而香 趙薛公雜說西北之麀噬虺而食

柏故其香結東南山谿有松而無柏故麝不結也
雅麝絕愛其香每爲人所迫逐勢且急即自投高巖舉
爪剔出其香就繫且死猶拱四足保其膻
草云麝生中臺川谷及雍州益州皆有之陶隱居云形
似麀常啖蛇或於五月得者往往有蛇皮骨主辟邪殺
鬼精中惡風毒療傷多以一子真香分揉作三四子刮
取血膜雜以餘物大都亦有精麝破皮毛共在裏中者
爲勝或有食蛇蟲多至寒香滿人吞膻內患急痛自
以脚剔出置屎溺中覆之人有得之者此香絕勝帶麝
非但香辟惡以香真者一子著膻間枕之辟惡夢及尸
連鬼氣
[卑雅麝時蛇今以蛇蛻裹麝彌香
[本草]

頌曰麝香有三等第一生香名
乃麝自剔出者次
膻香乃捕得殺取之其三心結
自乃麝見大獸捕逐驚
畏失心墜死人得之破心見血作乾血塊者不入藥
香譜唐天寶中漁人獲水麝膻香皆麝每取以針刺之
流出如水瀝一滴入斗水中川瀝衣物香不歇倍於肉
麝

山堂肆考 橐駝一名駝駝
子虛賦 駝駝橐駝師古注
橐駝者言其可負橐囊而駝物故以名云
格物總論
橐駝大於水牯紫色耳垂
山堂肆考 駝背有兩峰如
馬鞍名曰駝峰 駝足三節長頸色蒼褐凡負物屈足受

各政音原卷之三 獸類 駝

之載未盡量終不起 山海經 陽光之山其獸多橐駝
 善行流沙中日行三百里負千斤 博物志 燉煌西渡
 流沙往外國千里餘中無水時有伏流處人不能知橐
 駝知水脈過其處輒停不行以足踏地人於所踏處掘
 之則得水 後周書 異域傳鄯善古樓蘭國也西北有
 流沙數百里夏日亦有熱風為行旅之患風欲至唯老
 駝知之即鳴而驟立埋其口鼻於沙中人每以為候亦
 即將旣辨厥鼻口其風迅駛須臾過盡若不然者必至
 危殆 義訓 駝之聲曰圖 瑣碎錄 駝峰倒者齒老矣
 少健者峰直 酉陽雜俎 駝毛絢溫厚煖於狐貉過夏
 常退毛至盡乃能避熱故古者冬取皮於狐類而裘

夏取毛於駝類而褐成也 天中記 駝糞煙直上如
 狼烟 東觀漢記 單于於龍祠鬪橐駝為樂 夷事略
 回紇以駝駝耕 格物總論 古者典旣駝日給橐一圍
 鹽三合易馴養也 諧噓錄 趙崇佯不識駝駝呼為山
 驢王 三水小牘 劉秉仁為江州刺史自京將橐駝至
 郡放之山下野人見而大驚其射之乃以狀白州曰獲
 廬山精於某處劉命致之乃所放駝耳 漢書 大月氏
 國出一封橐駝 注 脊上有一封封高也若封土然 北
 史 迷密國 正平元年遣使獻一峰黑橐駝 明皇雜錄
 哥舒翰常鎮於青海路既遙遠遣使常乘白駝駝以奏
 事日馳五百里 唐食貨志 貞元初關輔宿兵以飛龍

駝負永豐倉米給禁軍
駝日行千里
南蠻傳室利佛逝國有橐駝豹文而犀角以乘且耕名駝牛豹
地而漏明者最能行遠
西陽雜俎駝臥屈足腹不著
天寶遺事楊貴妃私發明駝
使遺安祿山龍腦香明駝者眼下有毛夜明日行五百里
洽聞記于闐國有小鹿角細而長與駝交生子曰風脚駝日行七百里其疾如吹
南史滑國有兩脚駝時而人立
拾遺記有韓房者自渠胥國來獻玉駝高五丈
洛中記有銅駝二枚在宮之南四會道頭高九尺頭似羊頸身似馬有肉鞍兩箇相對
異苑西域荷夷國山上有石駝駝腹下出水以金鐵及手承取即便

對過唯葫蘆盛者則得飲之令人身體香淨其國神秘不可數述

驢

何承天纂文驢一曰漢驪其子曰驪其鳴歐歐驢似馬而長耳低小不甚駿故稱蹇驢一名為衛猶龜之名蔡也率以午及五更初而鳴
資暇錄代呼驢為衛於女字未見今衛地出驢義在斯乎或說以其有軸有槽譬如諸衛士有冑曹也自目為衛
山堂肆考驢性能旋磨及馱負雁褐色其子一名驪
潛確類書驢馬駒月初生者先母行生月中者並母行生月終者後母行物類相感志凡驢狗初生來墮地口中有一物如肉各

媚如婦人帶之亦有媚
漢書靈帝於西園弄狗駕四
驢親操轡京師相效驢價與馬齊
柳宗元文黔之驢
一鳴虎大駭以爲且噬已稍近益狎蕩倚衝冒驢不勝
怒蹄之虎喜曰技止此耳斷其喉盡肉去
王元禎湖
海搜奇陝西民家畜一驢其塔借乘入市踰時往返百
里如飛塔心切愛之翁問歸何太早塔詭曰驢劣行十
里卽臥不肯起因牽之歸耳乃誤我一日翁憎其驢塔
去殺而烹之塔聞亟止曰我戲耳然驢已皮矣悅恨間
取其腹視腰有六腎蓋千里驢也翁怒絕其塔
下帷
短牒干祭好驢家畜數頭其價有至百金者其一曰落
其二曰遠遊其三曰鷲翼其四曰白鳳其五曰臨江

其六曰上雲其七曰奔濤其八曰飛星
袁淑俳諧集
封驢爲廬山公
清異錄武宗十玩圖謂驢爲長耳公
廣博物志釋道安常乘赤驢往來荆襄間一日而徧
陳繼儒筆記洪崖跨白驢曰雪精今樹上至今有雪
精遺跡
虎苑國朝劉馬太監從西番得一黑驢進上
能一日千里又善鬪虎上取虎城化虎與鬪一蹄而斃
又鬪牡虎三蹄而斃後取鬪獅獅折其脊劉大慟蓋龍
類也
洞冥記修彌國多神馬驪驢十丈毛色皎然能
行水上有兩翼或飛於海上常與牧馬合則生神驢
南史滑國出野驢有角
潛確類書海驢形似驢常於
秋月登島產乳皮制雨具雨不能潤
海語海驢多出

東海狀如驢。舶估有得其皮者，毛長二寸許，晴則甃甃，下垂陰則斃，綵整整也。或以製臥褥，善人御之，竟久安寢，不善人枕，籍魂乃數驚矣。烏夷託其靈，不敢蓄也。庶物異名疏：閩山驢也。周書北唐以閩亦見鄉射禮。山海經有閩麋，郭璞云：閩即羶也。似驢而岐蹄，角如麋。羊一名山驢。贊曰：閩善躍嶮。西陽雜俎：晉僧朗住金嶺山，及卒所乘驢上山失之，有人見者乃金驢矣。樵者往往聽其鳴響，土人言金驢一鳴天下太平。明皇雜錄：張果常乘一白驢，日行數萬里，休則重疊之，其厚如紙，置於巾箱中，乘則以水噴之，還成驢矣。

驢

古今注：驢為牡馬為牝則生羸。同。玉篇：駝，驢父牛母。說文：駝，駝馬父驢母也。爾雅翼：蜀中縣有馬與牛合而生者，皆牛為牡馬為牝，故今川廣皆產駝。生於廣者蹄輕，產於蜀者蹄重，以大武之遺體也。馬力在前，驢力在髀，羸力在腰，駝乘者隨其力而進退之。羸股有鎖骨，故不能生，其狀大骨若臼而口小小，骨若杵而頭大小口啣大頭，故不可出此羸之所以不滋息焉。蟬史：駝不生育，性剛善走，視馬則小，視驢則大。北方人多取以駕車，力耐遠行而不困。潛確類書：羸似驢，健於馬，舊非中國所產，故漢書以為匈奴奇畜。五雜俎：羸之為畜，不見於三代，至漢時始有之。匈奴北地馬驢。

格致鏡原卷之三 獸類 駝

游北自相交合而生今北方以為常畜其價反倍於馬矣俗言羸骨無髓故不能交合生子呂氏春秋趙簡子臣陽城渠胥有疾醫云得白驪肝則生不得則死簡子殺所愛白驪取肝與之鄭榮傳信記上將登封泰山益州進白驪至深明豐潤權奇偉異上遂親乘之柔習安便不知登降之倦告成禮畢復乘而下纔下山均休息未久而有司言白驪無疾而殪上歎異之諡曰白驪將軍命有司具榱積壘石為墓在封禪壇北一里餘於今存焉舊唐書吳少誠據蔡州地既少馬而廣畜驪乘之教戰謂之驪子軍尤稱勇悍而甲仗皆畫為雷公星文以為厭勝洞冥記修彌國獻駮驪高十尺毛

色赤斑皆有日月之象帝以金埏為鎖絆以寶器盛芻以飼之後變為赤龍入雲去揮塵錄徽宗御駮驪名鶉鶉青

說文馬怒也武也象馬頭髦尾四足之形
秋說題離地精為馬
易說卦乾為馬為良馬為老馬為瘠馬為駮馬震其於馬也為善鳴為馵足為作足為
的類坎其於馬也為美脊為亟心為下首為薄蹄為曳
星曰王良王

格致鏡原卷八十三終

格致鏡原卷八十三 獸類 驪

三

格致鏡原卷八十四

獸類三

馬上

論

〔說文〕馬怒也武也象馬頭髦尾四足之形 〔春

秋說題〕籬地精為馬

〔易說卦〕乾為馬為良馬為老馬

為瘠馬為駁馬震其於馬也為善鳴為辨足為作足為

的類坎其於馬也為美脊為亟心為下首為薄蹄為曳

〔天中記〕漢書曰漢中四星曰天駟旁一星曰王良王

良策馬車騎滿野元命包云漢中四星曰騎一曰天駟

春秋合成圖曰王良圭天馬也 〔地鏡圖〕銅器之精見

為馬 〔春秋說題〕籬馬十二月而生應陰紀陽以合功

故人駕馬任重致遠以利天下月度疾故馬善走
秋考異郵陰合於八八合陽九八九七十二二為地地
主月月精為馬月數十二故馬十二月而生王者駕馬
故子以王為馬 三才圖會馬火畜也火性健決躁速
故易乾為馬乾陽物也故其蹄圓臥先後足起先前足
陽病則陰勝故馬疾則臥 淮南子夫馬聾蟲也而可
以通志氣注喻無知也 抱朴子山中午日稱三公者
馬也 席上腐談馬健物逆風而行則健 中華古
今注馬自識其駒非其駒則蓄燕之 說文驚駉馬也
以壬申日死乘馬者忌之 漢書禮樂志龍為友注師
古曰唯龍可為之友耳又天馬來龍之媒注應劭曰言

天馬者乃神龍之類今天馬已來此龍必至之效也
漢書刑法志是猶以鞵而御駢突如淳注駢突惡馬也
馬援傳御款段註款段馬名款猶緩也言形段緩也
坤雅馬之族不一駢馬則喜前駘馬則喜後故古之
御者駘馬以鞵為主駢馬以轡為主 越莫集馬有馬
黑在腎 天中記凡兵事急能致風雨突圍而走者蓋
有赫丹隨身耳赫丹者馬腹中所產之物用之念咒即
致風雨如狗寶牛黃之類 淮南萬畢術馬毛大尾親
友自絕註取馬毛大尾置夫婦衣中夫婦自相憎矣
淮南子馬齧截玉 朝野僉載被馬咬者以燒鞭鞘灰
塗之蓋取其相服也 韓詩外傳顏回望吳門馬見一

匹練孔子曰馬也然則馬之光景一匹長耳故後人號馬為一匹。風俗通馬一匹俗說相馬及君子與人相匹或曰馬夜行目明照前四丈故曰一匹或曰度馬縱橫適得一匹或說馬死賣得一匹帛或云春秋左氏說諸侯相贈乘馬束帛帛為匹與馬之相匹耳。漢繁露馬以匹為數自古言匹馬皆一馬也文侯之命有馬四匹不知當時何指韓詩外傳謂馬夜行目光所及與匹練等或曰匹言價與匹帛等不知孰是因讀劉勰文心雕龍其說為長曰古名車以兩馬以匹蓋車有佐乘馬有驂服皆以對並為稱雙名既定則雖單亦復為匹如匹夫匹婦之稱匹是也。能改齋漫錄左傳昭二十五

年左師展將以公乘馬而歸劉炫謂欲與公單騎而歸此騎馬之漸也。羣碎錄孔穎達曰古人不騎馬故經與不見至趙武靈王謀胡服騎射以教百姓李牧日殺牛饗士習騎射始見於此又宋劉炫謂左氏左師展將以公乘馬而歸此騎馬之漸予按古者服牛乘馬馬以駕車不單騎也至六國時始單騎。楊慎外集古者以馬駕車秦晉韓原之戰惠公乘小駟昭公元年晉荀吳敗狄于大鹵始毀車崇卒而單騎自此始至六國時則盡然矣蘇秦所謂車千乘騎萬匹是也鄭元解周禮大司馬師帥執提云提謂馬上鼓。今按周禮注提馬上鼓有曲木可提而擊也程伊川解易乘馬班如為人馬異處皆謂單騎如今制

非也文王周公之時何嘗有軍騎之說乎演繁露宣
和鹵簿圖有誕馬其制用色帛周裹一方氈蓋覆馬脊
更不施鞍此其為制必有古傳非意抑矣然各以為誕
則其義莫究也蔡攸輩雖如辨釋終不協當按通典宋
江夏王義恭為孝武所忌憂懼故奏華諸侯國制但馬
不得過二具字則書為但不書為誕也但者徒也徒馬
者有馬無鞍如人袒裼之袒也吹萬集駢不鞍而騎
也玉堂叢語明文廟北征金幼孜墜馬鞍裂楊文敏
以所乘馬讓之自乘驂馬文昌雜錄軍中以端午走
馬謂之躡柳躡音札席上腐談馬痛死者不可食食之
殺人而肝為甚醫書云馬六畜也有肝而無膽木賊不

足故食其肝者死抱朴子按九鼎記及青靈經言人
物之死俱有鬼也馬鬼常以晦夜出行狀如炎火雜
俎馬鬼名東觀漢記馬援於交阯鑄銅馬奏曰臣
聞行天者莫如龍行地者莫如馬臣援師事楊子阿孝
武帝時善相馬者東門京鑄作銅馬法獻之立馬於魯
班門外更名曰金馬門臣既備數家骨法以所得駮越
銅鑄以為馬高二尺五寸圍四尺五寸謹獻詔置德陽
殿下研北雜志漢銅馬式藏周公謹家其初破為數
段鑄工以藥錐柵之復完如新史記諸名山川用駒
者悉以木偶馬代之南史齊本紀後主始欲騎馬才
習其事俞靈韻為作木馬人在其中行動進退隨意所

適其後遂善騎

詳類

〔說文〕馬一歲曰騶二歲曰駒三歲曰騊八歲曰

駮高六尺曰驕七尺曰驂八尺曰龍〔爾雅〕馬八尺為

駮〔考工記〕國馬之軻深四尺有七寸田馬之軻深四

尺〔鄭注〕國馬高八尺田馬高七尺〔埤雅〕馬八歲曰駮

馬八歲一變故从八也語曰七驂八白言馬至八歲驄

變而白矣〔爾雅〕玄駒衰驂〔註〕玄駒小馬別名衰驂耳

或曰此即驂衰古之良馬名〔爾雅〕青驪駮〔註〕今之鐵

驄〔爾雅〕青驪驪驪〔註〕色有深淺斑駮隱鄰今之連錢

驄〔爾雅〕驪白雜毛駮〔註〕今之烏驄〔爾雅〕黃白雜毛

駮〔註〕今之桃花馬〔爾雅〕陰白雜毛駮〔註〕陰淺黑今之

駮

泥驄

〔爾雅〕彤白雜毛駮〔註〕即今之赭白

〔爾雅〕四

蹄皆白首〔註〕俗呼為踏雪馬〔爾雅〕白達

縣〔註〕素鼻

莖也俗所謂漫體微齒〔爾雅〕馬後足皆

名狗〔漢

書郊祀志〕牲用駮駮〔註〕駮赤馬黑鬣尾也

郭子章馬

記黃馬黑喙曰駮今之淺黃色馬也宋明帝以駮字旁

似禍改作駮史稱文帝駮馬脊有肉鞍行則先作弄四

足〔埤雅〕爾雅曰的額白額今之帶星馬也馬政論曰

額有白毛謂之的盧又曰準上有旋毛及白毛者謂之

的吻凶俗云的顧非也〔埤雅〕爾雅曰白馬黑鬣駮廣

雅曰白馬朱鬣駮今呼黃馬尾鬣一道通黑如界者為

駮蓋馬無分於黃白皆謂之駮若今衣脊絡縫故曰駮

也。[埤雅]驛馬常小今俗謂之小馬驪馬白跨曰驪黃
白日皇純黑曰驪黃駢曰黃蒼白雜毛曰騅赤黃曰駢
青黑曰駢青驪駢曰駢黑身白鬣曰額豪胥曰驪一目
白日魚魚今謂之環眼馬馬之最下者也。格物總論
馬武獸種族最繁駢青馬駢青驪繁鬣馬驪青白雜毛
馬駢朱色馬駢紫色馬驪馬如鐵赤黑色駢黃脊黑喙
馬白額驪白額至唇駢驪馬白腹驪四蹄皆白驪馬後
左足白驪馬尾本白駢白馬黑唇驪白額馬駢驪白
馬駢馬一目白驪淡黑色驚亦黑色馬駢黑馬白驪
馬黑唇駢馬口黑凡此類者皆以色別之也。[五經書]考

蘭

遠凡馬毛色之別九十一種此撥之別八紅耳鴛鴦
花丁香青驪榆紫駢青之別二純青護蘭白純白鳥之
別五純烏鈞星歷面白脚護蘭赤之別五純赤鈞星歷
面白脚護蘭紫之別六純紫鈞星歷面白脚綠鬃護蘭
驪之別十一白驪鈞星歷面白脚并烏青花黃在鐵護
一白驪鈞星歷面白脚并烏青花黃在鐵護一赤白之
別五純赭白鈞星歷面白脚護蘭驪之別八棗金口燕
子黃黑鈞星歷面白脚驪之別六純駢縹縹鈞星歷面
白脚護蘭驪之別五純駢鈞星歷面白脚護蘭驪之別
入青赤紫黃鈞星歷面白脚護蘭駢駢之別三駢起雲
銀鍾驪之別七赤驪銀鬃黃鈞星歷面白脚護北馬

以此撥青白紫純色及綠鬃驕為上驄赤驄白赤色
為中在踰驄駮駮為下前史古名馬有六驂白身
黑尾如六駿取獸中六駿武健者為名藻林馬高七
尺曰蚪文選方玄蚪之夾夾爾雅翼驂宜於牧故釋
獸稱驂牝驪牡立駒裏驂蓋言以驂為牝以驪為牡而
生玄駒則為裏驂也爾雅翼驂赤馬黑鬣明堂月令
五時駕馬而驂處其二春蒼龍秋白駱冬鐵驂夏用赤
驂中央用黃驂中央寓於季夏故所用物而以色之
深為之別也史記冒頓圍高祖於平城所騎西方
馬東方盡青龍北方盡烏驪南方盡驂馬
名馬漢禮樂志舜時景星出房地出乘黃之馬

王元長序夏后兩龍載驅璿臺之上注夏后啓有馬號
為兩龍乘游璿臺以饗諸侯呂覽伊尹說湯曰天子
須青龍之正遺風之乘注皆馬名也馬行疾每在風前
故遺風於後也汲冢書伊尹為四正令正北詩令以
野馬駒駮駮駮為獻馬記山海經曰北海內有獸狀
如馬名駒駮色青故馬之良者取以為名駮駮生三日
而超其母庶物異名疏牝駮駮馬名趙津女媚對簡子
曰妾聞昔者湯伐夏左驂牝駮右驂牝駮而遂放桀武
王伐殷左驂牝駮右驂牝駮而遂克紂主君不欲渡則
已與妾同舟又何傷乎太公六韜商王拘周伯昌於
羑里太公與散宜生以金干鎡得大戎氏文馬駮身朱

鬣日如黃金項如鷄尾各曰鷄斯之乘以獻商王周書王會周公且主東方所之青馬黑顛謂之母兒注馬名周書犬戎之馬赤鬣白身目若黃金各曰古作黃之乘成王時來獻列子周穆王命駕八駿之乘右服駟駟而左綠耳右驂赤驥而左白義音次車之乘右服渠黃而左踰輪左驂盜驪而右山子穆天子傳天子命駕八駿之乘右服駟駟而左綠耳右驂赤龍而左白薇蠟天子主車造父為御幽泰隨而為右次車之乘右服渠黃而左踰輪右盜驪而左山子相天主車參百為御奔戎為右東遊於黃澤宿於西洛歌曰黃之池其馬歎沙皇人威儀黃之澤其馬歎玉皇人壽穀郭

註北唐之君來見以一騶馬是生綠耳八駿皆因其毛色而名拾遺記周穆王馭八龍之駿一名絕地足不踐上二名翻羽行越飛禽三名奔宵夜行萬里四名越影逐日而行五名踰輝毛色炳耀六名超光一形十影七名騰霧乘雲而奔八名挾翼身有肉翅遞而駕焉按轡徐行以匝天地之域楊慎外集八駿之名見於列子而他書所載互有不同騶漢書作華騶唐人名紫騮今日棗騮綠耳一作騶騶又作綠耳赤驥又作赤騶宋世名好頭赤白渠黃古犧字形似牛渠黃一作駟騶又名翠黃又名警黃踰輪蜀都賦所謂魚文也馬曰如魚劉邵賦蓋如飛鶴馬似游魚山子又作岫子今之五

各文真類卷八 獸類 古各馬

明馬又名玉頂。又名叱撥。又名玉抱肚。又名花抱肚。大白詩所謂五花馬也。古以為奇，今以為忌，曰破面孤蹄鬼，也不騎。劉先主之的盧亦此種的白也。猶白頸烏曰的盧。烏盜驪，一曰溫驪。今之鐵青色荀子作鐵離，又作淺驪。盜驪言少竊驪色，猶九扈名竊玄竊黃也。又作駒栗驪，栗色也。後代轉名駒駝。庶物異名疏。劉氏音義云：盜驪竊驪也。竊淺青色入駿，既因色各竊驪為得之也。按驪純黑色，聊竊驪之色，故曰淺青為竊驪也。爾雅疏謂竊即古淺字。柳宗元八駿圖說：周穆王八駿後之好事者為之圖，其狀甚怪，咸若騫若翔若龍鳳麒麟若螳螂然。楊雄河東賦注：翠龍穆天子所乘馬也。

管子桓公乘馬虎望見而伏，公問管仲對曰：意者君乘駿馬而泝桓迎日而馳乎？公曰：然。管仲曰：此駁象也。駁食虎豹，故虎疑焉。左傳：唐成公有兩驪驪馬。古傳昭二十九年，衛侯來獻其乘馬，曰啓服。注：啓服馬名。古今注：秦始皇有七名馬，一追風，二白兔，三躡影，四追電，五飛翾，六銅雀，七晨鳧。史記：項羽駿馬名騶常騎，及敗於垓下，乃歌曰：時不利兮騶不逝，騶不逝兮呂后時。冬月見未央宮前，有一紫燕，后以為不祥，使侍中陳當時逐之，飛入殿內，不得出，籠北馬方仰首而嘶，遂飛入其口中，便有紫雲覆於馬首，頃之而滅。當時奏狀，后異之，詔有司專視此馬。後生駒，日馳數百里，因號

各款寶泉卷之十四 獸類 古名馬

日紫燕
〔西京雜記〕文帝自代還有良馬九匹皆天下
之駿也一名浮雲一名赤電一名絕羣一名逸驃一名
紫鷲驃一名綠螭驃一名龍子一名騏驎一名絕塵號
為九逸
〔漢書〕李廣利為貳師將軍伐大宛國得汗血
馬名蒲梢作天馬之歌
〔西域贊〕孝武之世蒲梢龍文
魚目汗血之馬充於黃門
〔注〕孟康曰四駿馬名一云大
宛馬虎脊魚目龍文鳳頸尾如蒲梢
〔西河舊事〕漢武
帝聞大宛有天馬遣李廣利伐之始得此馬有角為奇
故漢武為賦天馬之歌胡馬感北風之思逐頓羈絕絆
驥首而馳晨發京城食時至燉煌北塞山下嘶鳴而去
〔張騫傳〕西域傳云大宛國別邑七十餘城多善馬馬

汗血言其先天馬子也漢書云初天子發書易云神馬
當從西北來得烏孫好馬名曰天馬及得宛汗血馬益
壯更名烏孫馬曰西極馬宛馬曰天馬云
〔神異經〕西
南大宛宛丘有良馬其大二丈鬣至膝尾委於地蹄如
汗腕可握日行千里至日中而汗血乘者當以綿絮纏
頭腰小腹以避風病其國人不纏也
〔宋膺異物志〕大
宛馬有肉角數寸
〔隋西域圖記〕大宛馬騮馬烏馬多
赤耳黃馬赤馬多黑耳惟耳色別自餘毛色與常馬不
異
〔馬奉世傳〕宣帝時至大宛得名馬象龍而還師古
注言馬形似龍者
〔玄黃經〕大宛馬肉可以為脯注血
疑於器者可食味殊美食之使人健行人善升
〔魏志〕

穢國果下馬漢桓時獻之注高三尺乘之可於菓樹下

行曹瞞傳呂布有駿馬名赤兔人語曰人中有呂布

馬中有赤兔庶物異名疏莊子曰齊之以月題蓋月

題額上當顛如月者所以象顛之白易曰其於馬也為

的類蓋震二陰在上故為的類即的盧也乘之妨主馬

之貴者的吻相馬經馬白額入口者名榆鴈一各的盧

奴乘客死主乘棄市按蜀志先主乘的盧至檀溪墜水

備急呼曰的盧何不努力遂一躍五丈乃得過則的盧

吉馬也寰宇記張飛有馬號玉追時歌曰人中有張

飛馬中有玉追魏書張繡降而復反曹操所乘馬名

絕影為流矢所中魏文帝與孫權書繳驪馬朕常所

自乘甚謂良善走數萬匹之極選乘之真可樂也中國

雖饒馬其知名絕足亦時有之耳獨異志魏曹彰性

倜儻偶逢駿馬愛之其主所惜也彰曰余有美妾可換

惟君所選馬主因指一妓彰遂換之馬號曰白鶻穆

天子傳注魏時鮮卑獻千里馬白色兩耳黃名曰黃耳

拾遺記曹洪武帝從弟有馬號曰白鶻此馬走時惟

覺耳中風聲足似不踐地數百里瞬息而至濟水足毛

不濕時人謂乘風而行一代神駿也諺曰憑空虛躍曹

家白鶻一作白鶴中華古今注曹真有駿馬名為驚帆言

其馳驟如烈風舉帆之疾竹林七賢論王戎好乘巴

驥馬吳郡疏支遁好乘馬其最愛者名曰頻伽嘗飲

酪飲

獸類

古名馬

名

名

名

名

名

名

名

名

名

名

名

名

名

名

名

類伽於橋下馬渡處忽生蓮花人異之古名喬曰飲馬

南史晉安帝義熙九年高麗獻赭白馬渚宮舊事

司馬休之奔廣固慕容超欲害之休之不知常所乘驢

馬於牀前忽連鳴不食注目視鞍因試騎視裁出門外

便奔而馳行十里顧望所住已有收兵至矣乘馬南奔

殆而獲免後還荊州加驩馬揚武之號晉載記苻堅

時大宛獻天馬千里駒皆汗血朱鬣五色鳳膺麟身命

羣臣作止馬詩而遣之示無欲也晉穆帝紀姚襄為

秦將黃眉所敗襄所乘馬曰鷲眉驪日行千里是戰也

而馬倒秦兵擒而斬之水經注老宿諺言赫連之世

有駿馬名曰白口驪晉載記冉閔所乘赤馬曰朱龍

日行千里北史昔慕容廆有駿馬赭白有奇相逸力

至雋光壽元年四十九矣而駿逸不虧雋奇之比鮑氏

聽命鑄銅以圖其像親為銘贊鐫額其傍像成而馬死

矣南齊書楊玉夫殺蒼梧王太祖夜從承明門乘常

所騎赤馬入殿內驚怖既知蒼梧王死咸稱萬歲及太

祖踐祚號此馬為龍驥將軍世謂為龍驥赤小說梁

武帝有良馬名照殿玉獅子魏志突厥大畏長孫總

管稱其馬為閃電伽藍記後魏河間王元琛在秦州

遣使向西域求各馬遠至波斯國得千里馬號曰追風

赤驥次有七百里者十餘匹皆有名字以銀為槽金為

環鑲諸玉服其豪富北史王邛傳隋文帝所乘騶驎

各政鏡類卷八 獸類 古名馬

馬脊有肉鞍。隋書：隋煬帝令李景營遼東戰具於北平，賜御馬一匹，名獅子。駢。朝野僉載：隋文帝時大宛國獻千里馬，駿曳地，號曰獅子。驄上置之，馬羣陸梁，人莫能制。郎將裴仁基曰：臣能制之。遂攘袂向前，去十餘步，踴身騰上，一手撮耳，一手握目，馬戰不敢動，乃跨乘之。朝發西京，暮至東洛。隋末不知所在。唐文皇勅訪之，同州刺史宇文士及得於朝邑，市麵家挽磴，鬻尾焦禿，皮肉穿穴，及見之，悲泣。帝自出長樂坡，馬到新豐，向西鳴躍，帝甚喜，齒口。並平飼以鍾乳，仍生五駒，皆千里足也。後不知所在。回紇傳：唐太宗時，東骨利幹國產良馬，首似橐它，筋鬃壯大，日中馳數百里。太宗時來其大

會侯斤，因使者獻之。帝取其異者，號十驥，皆為美名。曰騰霜、白、日、皎、雪、驄、日、凝、露、驄、日、懸、光、驄、日、決、波、驄、日、飛、霞、驄、日、發、電、赤、日、流、金、驄、日、翔、麟、紫、日、奔、虹、赤、厚、禮、其、使。西陽雜俎：骨利幹國獻馬名決波，驄者近後足有距。樂志：唐太宗破賁建德，乘馬名黃驄，驄命樂工製黃驄樂曲。金石錄：太宗六馬，其一曰拳毛騮，黃馬黑喙。平劉黑闥時所乘，其二曰什伐赤，純赤色。平世充建德時所乘，其三曰白蹄烏，純黑色。四蹄俱白。平薛仁果時所乘，其四曰特勒驄，黃白色。喙微黑色。平宋金剛時所乘，其五曰颯露紫，驄。平東都時所乘，其六曰青驄。蒼白雜色。平竇建德時所乘。馬記：唐開元十二年太

原獻異馬駒其耳如筒左右各十六肋肉尾無毛二十九年滑州刺史李邕獻馬一匹肉鬣麟腮嘶不類馬聲日行三百里名曰龍子秦再思紀異錄天寶中大宛國進汗血馬六匹一日紅叱撥二日紫叱撥三日青叱撥四日黃叱撥五日下香叱撥六日桃花叱撥上乃製各一日紅玉輦二日紫玉輦三日平山輦四日凌雲輦五日飛香輦六日百花輦復命圖於瑤光殿乃改為觀驥殿名畫要錄開元內院有飛黃照夜浮雲五花之乘明皇雜錄上所乘馬有玉花驄照夜白異聞錄唐寧王善畫馬花萼樓壁上有六馬滾塵圖明皇最愛下而花驄風駿雲鬣纖悉備具後失去止存五馬柳

宗元龍馬贊明皇在位靈昌郡得異馬於河其狀龍鬣虺尾拳毛環目肉鬣居帝闕二十年遇禍亂帝西幸焉至咸陽西入渭水化為龍游泳而去不知所終續博物志千里馬寧遠所獻髮拳紫色狀如八駿謂之紫驃乘者必衣裘冒絮似胡兒抱持初馳三十里則皆旁側難馴又馭三十里外乃駭然而去唯聞耳傍風聲如飛箭唐肅宗時令李泌乘之往按保定早發扶風辰達保定申歸奏事杜陽雜編唐代宗廣德初范陽節度李德山所貢九花虬額高九寸毛拳如麟頭頸鬣真虬龍也每一嘶則羣馬聳耳以身被九花文故號為九花虬後以賜郭子儀貞元中上西幸有二馬一號神智驄

各政錄京卷六占 獸類 古名馬

一號如意驪皆耳中有毛引之可長一尺相馬經云耳中有毛長一
尺者日而進退緩急皆如上意故謂之功臣國史補
德宗幸梁唯御驪馬號曰望雲驪駕還飼以一品料假
日幸而視之必長鳴四顧若感恩之狀元稹長慶集
德宗以八馬幸獨七馬道斃惟望雲驪來往不頓馬
記唐貞元中函詔獻統倫馬西陽雜俎唐秦叔寶所
乘馬號忽雷駿常飲以酒每於月明中試能登越三領
黑氈及胡公卒嘶鳴不食而死清賞錄李白有馬名
黃芝畫鑿韓幹八馬圖二奚官引進錢驄天中記
荆南節度使衛伯玉有馬名毛腕驪廣異記唐鄭駟
有馬曰撒豆驄梁史太祖以愛馬一文鳥賜寇彥卿

五代史劉晏據太原與莽丹約為父子契丹以黃驪
馬為聘後與周世宗戰高平敗獨乘黃驪以歸遂與黃
驪治廐飾以金銀食以三品料號自在將軍清異錄
魏王繼岌奉命伐蜀王衍苑馬數百皆逸是也繼岌猶
比選之得二十許匹絡價不可言其名曰麝香驄錦耳
驄駱十二越日驄備界玉陷水喻長命驄孫兒驄龍菘
白八百哥掠地雲錦地龍雪面娘月影三玉尾驄撒沙
驄天花落旋風白宰地嬌六欠金清異錄王利領金
錢市名馬凡得五匹各有位號曰金鞍使者千里將軍
致遠侯渥洼郎驥園公清異錄吉祥座杜重威馬也
肉胡牀景延廣馬也灑水燕談宋太宗朝府州折御

洛波鏡原公古
歌類 古名馬

鄉貢馬特異格不甚高而日行千里口旁有碧紋如雲
霞因目曰碧雲霞 〔玉壺清話〕宋太宗御廐馬號碧雲
霞圍人飼秣稍跋倚失恭則蹄齧吼噴怒不可解從征
太原上下坂岡其平如砥下則伸前而屈後登高則反
之太宗甚愛上尊餘瀝時或令飲嘶鳴喜躍 〔梅堯臣〕
序碧雲駮者廐馬也莊憲太后臨朝以賜荆王王惡其
旋毛太后遂留以借大閑遂爲御馬第一以其物肉色
碧如霞片故號之 〔邵氏聞見錄〕仁宗御馬名玉造遙
色白乘之如輿輦圍人云馬行步有八度疾徐皆中節
御者行速則以足攔之 〔李伯時天馬圖跋〕一匹元祐
元年十二月十六日右驥驥院收于闐國進到鳳頭驄

八歲五尺四寸右一匹元祐元年四月初四日左驥驥
院收董氈進到錦膊驄八歲四尺六寸右一匹元祐二
年十二月廿三日於左天驄監揀中祭馬好頭赤九歲
四尺五寸一匹元祐三年閏月土元日沮溪進照夜白
一 〔孔氏談苑〕神宗有馬名小烏曾以貢太后所送珠鞍
於福寧殿親試之 〔規憲小續〕徽廟常乘驄馬至太和
宮前忽宣平日所愛小烏其馬至御前馬是不肯進左
右鞭之益鳴跳不如調馴時圍人進曰此願封官耳上
曰猴子且官供奉况使小烏白身邪初賜龍驤將軍然
後帖然就轡 〔研北雜志〕梅聖俞有馬名鐵額 〔宋史〕
曲端有馬名鐵象日馳四百里 〔韋士一安梅磻詩話〕姚

興有馬名青獅每親飼之若通其語言時取斗酒投大
盆中與馬同飲曰吾與汝同力報國終與中竟與馬同
死於金主亮尉子橋之戰戒菴漫筆吳興畢再遇字
德卿宋南渡時屢立戰功嘗騎一黑馬翹俊異常號黑
大蟲再遇甚愛之再遇卒其家以鐵繩繫之聞金鼓聲
奮迅有赴敵意家人曰將軍死汝與在事馬從動在然
出涕哀鳴數聲而斃岳珂程史淳熙間宿松叛民汪
革有三馬號惺惺驕小驄驂番妻子甚志林秦州
進一馬駿如牛領垂胡側立顛倒毛尾肉端蕃人云此
肉駿馬也朱名臣言行錄西夏有素首號青而夜叉
有駿馬曰赤駝為李顯忠所擒程史金十完顏亮嘗

所御小驄號小將軍西堂肆考元世祖時子闕國獻
馬一曰二龍一曰鳳頭一曰花滿川霏雪錄大德十
年西域貢千里馬其馬食肉每旦必以羊肉酥油沙糖
胡椒和飯秣之趙孟頫於杭州館中見之事物紀原
洪武初夏明昇獻良馬十其一白者得之貴州龍坑長
丈一尺頭高九尺足高七尺有肉隱起項下約厚五分
廣三寸餘貫膺絡腹至尾間止鬃采明晃振鬣一鳴萬
馬辟易馳如躡雲賜名飛越嶧又名撞倒山庶物異
名疏正統四年六月西域撒馬兒罕遣使進良馬色玄
蹄額皆白賜名瑞穎詒書史圖之方洲雜言先朝西
域貢馬高九尺餘頸與身等昂舉若鳳今京師人家多

各按鏡泉卷八
獸類
古名馬

存畫本景泰末西域進白馬高如之頸亦類焉後足脰
節間有二距毛中隱若鱗甲雷青日札玉麟飛白玉
駒碧玉橋照夜璧銀河練瑤池駿飛雲白皆嘉靖時天
閑之選乘也尸子我得民而治則馬有紫燕蘭池秀
騏逢騄孫卿子騏織離古之良馬也廣雅馬屬
飛黃騶吾吉量朱駿飛兔金象駿褭走狐缺騄飛鴻野
廐腹丹騏驎駃騠驪汗血驪騏巨虛騏鹿馬
賦其名則汗血山子桃騄綠耳金象騰黃騶吾吉光蒲
稍啟服野廐蛾鹿白蟻鷄斯蜚鴻母兒遺風騶褭茲白
織驪馬記古之名馬有曰六駿者曰騶虞者曰騰黃
者曰飛兔者曰騏驎者六駿者必其白身黑尾如獸之

六駿者也騶虞者必其白質黑文如獸之騶虞者也騰
黃者必其縞身朱鬣如獸之騰黃者也飛兔者必其麗
然而蒼者也騏驎者必其粹然而黃者也非馬之有六
駿騶虞飛兔騰黃騏驎也乃馬之似六駿騶虞騰黃飛
兔騏驎也漢書王褒傳駕騏驎注良馬低頭口至鄰
故曰騏驎漢百官表昆駮令丞注昆駮好馬名也爾
雅曰駮蹄野善陞駮注駮上大下小駮蹄蹄如野而健
上山秦時有駮蹄苑神異經大宛有良馬鬣至膝尾
垂於地名曰簫稍謂尾之長者簫稍然搖動可起朔風
庶物異名疏駮龍紫鹿文的躄魚皆馬名見陳琳武
庫賦劉琨馬賦吾有駿馬名曰騏驎雄龍頭鳥目麟腹

各攷鏡原卷六 獸類 古名馬

虎胸尾如雲其耳如插筒
庶物異名疏綠蛇良馬名
見顏延之赭白馬賦綠蛇衛轂
百六帖囓雪飛黃中
黃驥子金馬名

格致鏡原卷八十五

獸類四

馬下

相馬法

莊子吾相馬直者中繩曲者中鉤方者中矩
圓者中規是國馬也而未若天下馬也天下馬者若亡
若失若喪若一若是者趁軼絕塵不知其所
呂氏春
秋舌之善相馬者寒風氏相口齒麻朝相頰子女厲相
目衛忌相鬣許鄙相腕拔戎褐相胸脇管青相臍胸陳
悲相股脚秦牙相前贊若相後伯樂相馬經馬頭為
王欲得方目為丞相欲得明者為將軍欲得強腹為城
郭欲得張四下為令欲得長眼欲得高匡眼睛欲得如

各文竟原卷八十五

獸類

相馬法

懸鈴紫艷光眼下懸蠶懸鑿欲得成鼻孔欲得大鼻頭
欲得有王火字口中欲得赤膝骨欲圓而張耳欲相近
而豎小而厚伏龍骨欲得成頸欲得長雙跌欲得大而
突蹄欲得厚腹下欲得平有八字尾骨欲得高而垂
埤雅舊說相馬眼欲得有紫艷口欲得有紅光上唇欲
得緩下唇欲得急上齒欲鉤鉤則壽下齒欲鋸鋸則怒
耳欲如劈竹睛欲如懸鈴頭欲高如剝兔項欲起如飛
龍又曰人眼鳥目鹿背麟腹虎胸龜尾犖頭如鷹垂尾
如彗又曰望之大就之小筋馬也望之小就之大肉壽
也前視見目傍視見腹後視見足駿馬也毛束皮皮束
筋筋束肉肉束骨五者兼備天下之馬也又曰口中紅

白間色者壽鼻中紅色如米點書者壽眼中赤色如字
形者壽 齊民要術相馬五藏法肝欲得小耳小則肝
小肝小識人意肺欲得大鼻大則肺大肺大則能奔心
欲得大目大則心大心大則猛利不驚目四滿則朝暮
健腎欲得小腸欲得厚且長腸厚則腹不廣方而平脾
欲得小廉腹小則脾小脾小則易養致瘦欲得見其肉
謂前肩致肥欲得見其骨頭顧馬龍顧突目平脊大腹
壯重有肉此三事備者亦千里馬也水火欲得分在水火
兩孔上唇欲急而方口中欲得紅而有光此馬千里額
間也下唇欲緩牙欲去齒一寸則四百里牙劍鋒則
千里嗣骨欲廉如織杼而闊又欲長頰下側目欲滿而

澤睚欲小上欲弓曲下欲直素中欲廉而張素鼻陰中
 欲得乎下股主人欲小近前也陽裏欲高則怒股中上額
 欲方而平八肉欲大而明耳玄中欲深耳下耳欲小而
 銳如削筒相去欲促懸欲戴中骨高二寸骨中易骨欲
 直下眼也頰欲開赤長膺下欲廣一尺以上名曰扶骨也
 扶八能久走鞅欲方頰懸欲曲而深胸欲直而出髀間
 鼻間欲開望視之如雙鳧頸骨欲大肉次之善欲桎而
 厚且折季毛欲長多覆肝肺無病髮後背欲短而方脊
 欲大而抗胸筋欲大夾脊飛鳧見者怒胸欲三府欲齊
 兩鬢及尻欲頽而方尾欲減本欲大脇肋欲大而窪名
 曰上渠能久走龍翅欲廣而長升肉欲大而明髀外輔

肉欲大而明前脚腸欲充腔小腔季肋欲張肌懸薄欲
 厚而緩脚虎口欲開肉腹下欲平滿善走名曰下渠日
 三百里陽肉欲上而高起髀外髀欲廣厚汗溝欲深明
 直肉欲方能久走髀後輪一作鼠欲方直肉胸肉欲急
髀裏問筋欲急短而減善細走下筋機骨欲舉上曲如
 懸巨馬頭欲高距骨欲出前間骨欲出前後外鼻臨附
 蟬欲大前後目眼夜股欲薄而博善能走後髀臂欲長而
 膝本欲起有力前脚膝土肘後欲開能走膝欲方而庫髀
 骨欲短兩肩骨欲深名曰芙蓉怒蹄欲厚三寸硬如石
 不欲深而明其後關如鷄翼能久走相馬經相馬之
 法先除三羸與五驚乃相其餘大頭小頭一羸也弱脊

格致意原卷之三 駢類 相馬注

太腹二羸也小頸大蹄三羸也大頭緩耳一駑也長頸
不折二駑也短上長下三駑也大體短脅四駑也淺鬣
薄髀五駑也廻毛在目下名曰承波不利人也口中有
墨曰烏銜馬短壽脊欲如伏龜兩邊有廻毛曰騰蛇殺
主國憲家猷口中色如日月光者行千里相馬經
馬生下墮地無毛行千里尿舉一脚行五百里蘭筋豎
者千里馬膝如團麴千里馬一歲上下齒二十四歲齒
黃三十四歲齒落不復出法苑珠林佛說馬有八態
一態者解羈韁時便掣車欲走二態者車駕跳梁欲嚙
其人三態者便舉前兩脚掣車而走四態者便蹋車鈴
五態者使人立持軛摩身抄車却行六態者便傍行斜

走七態者便掣車馳走得值濁泥止住不行八態者懸
甕餒之熟視不食其主牽去欲駕之時遽含嚼噬飲食
不得國憲家猷馬四年而兩齒五年而四齒六年而
六齒成矣七年而右一齒缺八年而上下兩邊各一齒
缺九年而上下盡缺十年而下兩齒齠十一年而下四
齒齠十二年盡齠十七年上四齒齠十八年盡齠十九
年上兩齒平二十年上四齒平年之長少惟馬齒最準
故人自謙曰犬馬之齒長矣如音勇齒如白也西陽雜俎馬
體名有輪鼠外鳧烏頭龍翅虎口猪槽獨馬石灰泥槽
汗溝繫門三事落駒廻毛在頸白馬黑馬鞍下腋下廻
毛在脇白毛左右後足白白馬四足黑目下橫毛黃馬

白喙旋毛在吻後汗溝上通尾本目赤睫亂及反睫白
馬黑目目白却視並不可騎夜眼名附蟬戶并名縣峰
亦曰雞舌 相馬經目成人者行千里 注視童子中人
頭足皆見 馬記柳子晉問曰晉國各馬堅骨關筋注
一筋從玄中出謂之關筋玄中謂目上痕如井字關筋
豎者千里 李燾長編元祐中西域貢馬龍顛而鳳膺
虎脊而豹章振鬣長鳴萬馬皆瘖 爾雅疏旋毛在腹
下如乳者千里馬也旋毛在肘後者名滅陽幹脅也旋
毛在脅者名蕩方旋毛在背者名關廣 全雅馬之駿
者馮皆射前足 東觀漢記聞武帝歌天馬治赤汗今
親見其然血從前膊上小孔中出 漢書烏死國出小

步馬 注孟康曰種小能步也師古曰小細也細步言其
能蹠足即今所謂百步千跡者也豈謂其小種乎 集
異記寧王得二馬其一價一十緡一五百緡坐客觀之
不相上下莫測其價之懸殊寧王令驗之馳驅數四乃
顧千緡者曰此馬緩急百返蹄下不起纖塵復顧五百
緡者曰此馬往來十過足下頗生塵埃以此品其高下
焉 淮南子日之行也不見其移也騏驎背日而馳草
木爲靡懸峰爲溥而日在其前矣 注懸峰馬蹄下雞舌
也 海客日談子過其父爲跨窳解者紛紛聞邊檄中
相馬者言馬前蹄之上有兩空處名曰窳門凡善走之
馬前蹄之痕印地則後蹄之痕反在前蹄之先故軍中

人謂之跨過竈門 本草綱目馬夜眼在馬足膝間有此眼能夜行故名凡卒死尸厥用白馬前膝夜日二枚白馬尾十四莖合燒為末以苦酒丸如豆粒湯灌下二丸即甦

產馬處

山海經羅差之山多馬

山海經有父之山

北有林焉名曰桃林中多馬造父於此得驥驪耳之乘獻周穆王 寰宇記晉石樓有屈產泉相傳昔有白

馬母飲茲泉生得龍駒春秋曰晉屈產之乘蓋此地生良馬也 武帝紀元狩二年夏馬生余吾水。曾在朔方

北元鼎四年秋馬生滹沱水。中注南陽新野有暴利長當武帝時遭刑屯田燉煌數於此水傍見羣野馬中有

奇者與凡馬異來飲此水利長先作土人持勒絆於水傍後馬既玩習之遂持勒絆收得其馬歸之欲神異此馬云從水中出 述異記漢樂浪郡出果下馬高三尺

虞衡志德興產果下小駒以澆水者為最高不踰三尺駿者有兩脊骨 孔六帖磨鄰有千里馬傳為龍種

洽聞記洛馬港疎水流也漢時有馬數百匹出其中馬形皆小似巴滇馬遂名其孔為馬穴初得此馬乘出

渭水上洛之遂名其處曰洛馬澆渭頓宿今名驪亭三國時陸遜攻襄陽又值此穴中有馬十匹遜載還建業

杜陵集山東產健馬下者日馳二百里所以兵常當天下 資暇錄成都府出小駒以其便於難路號為蜀

馬今宣城郡亦有小馬時人皆呼為宣州蜀馬語習不
悟良可笑焉有似中宗時時人呼姚丞相為隸州吳兒
同州桂 羣書考索凡馬以生於黃河之中子河汶者
為善種出環慶者次之秦渭馬雖骨格高大而蹄薄多
病支雅諸州為下且給本處兵給充鋪馬契丹馬骨格
頗劣河北孳生者曰本越馬因其水土服習而少疾又
泉福州及興化軍亦有州嶼馬皆低弱不堪披甲惟以
給水道廂軍及江浙諸處鋪馬用之 馬記紹興七年
五月廣右進出格馬十匹上畱其一餘付殿前司上曰
馬之良者不必西北 華陽國志滇池縣有澤水周廻
二百里所出深廣下流淺狹似如倒流故俗曰滇池長

老傳言池中有神馬與家馬交則生駿駒世稱滇池駒
日行五百里 一統志瀧水縣出者為最高不踰三尺
駿者有兩脊骨號雙脊馬健而能行 海槎餘錄馬產
於海南者極小只可作之驢騾而身稍長耳毛片不殊
于中州當少剪鬃時極駿可愛然騎駛則無長力比等
價可四兩尋常價不出二兩 南蠻傳越聯之西多薦
草產善馬世稱越聯駿始生若羔歲中紐莎糜之飲以
米濟七年可御日馳數百里 一統志龍馬泉在西和
縣每春夜牝馬飲泉自然懷駒初無毛色以氈裹之經
數月生毛不三歲與大宛馬同 崔鴻十六國春秋驍
騎將軍呂光封西域王上疏曰唯龜茲據三十六國之

各政境原六十五 獸類 產馬處

中天驥龍驤駮晨丹毫萬計盈廐雖伯益更生衛賜復
出不能辨也隋書吐谷渾有青海周迴千餘里中有
小山其俗至冬輒放牝馬於其上言得龍種嘗得波斯
草馬放入海因生驄駒日行千里故時稱瀚海驄馬
回統傳點夏斯古堅昆國也畜馬至壯大以善鬪者為
頭馬癸辛雜志西域有馬高丈餘人皆行於馬腹下
往來無碍太平廣記吐火羅國波訕山陽石壁上有
一孔恒有馬尿流出至七月平旦石崖間有不闕道便
不見至此日厭噓人取草馬置池邊與集生駒皆汗血
日行千里今名無數頗梨隨西域中浴須臾即回天
中記朝鮮有麒麟窟在平壤府浮碧樓下東明王養麒

麟馬處也世傳王乘麒麟馬入窟從地中出朝天石升
天至今石上有馬迹

周禮馬質禁原蠶注原再也天文辰為馬蠶書蠶為龍精月直大火則浴其種是蠶馬同氣物莫能兩大禁再蠶者為傷馬歟
禮月令季春合纍牛騰馬游牝于牧註騰馬方春通淫乘匹故趨騰使牡就牝欲孳生蕃也
禮月令仲夏游牝別羣則繫騰駒註季春妊孕已遂故仲夏不使同羣拘繫騰躍之駒防踴齧也
顏氏家訓詩駟駟牡馬江南本皆作牝牡之牡河北悉為放牧之牧鄴下博士見難云駟頌既美僖公牧于坰野之事何限驕騰乎余答云按毛詩駟駟良馬腹幹肥

張也若作放牧之意通於牝牡則不容限在良馬獨得
駟駟之稱良馬諸侯以充朝聘郊祀必無驛也今以詩
傳良馬通於牧驛恐失毛氏意漢書孝景時街巷阡
陌馬成羣乘牂牁者不得聚會孔氏雜說俗呼牝馬
為課馬出唐六典凡牝四游五課羊則當年而課之課
為歲課駒犢席上廣談北地馬羣每一牝將十餘牝
而行牝皆隨牡而不入他羣周禮夏官春祭馬祖執
駒夏祭先牧頌馬攻特秋祭馬祖城僕冬祭馬步歸馬
講馭夫注馬祖天駟星也先牧始教人牧馬者馬社廐
中土城馬步神為災害馬者講擇其良者以獻於王也
周禮趣馬掌贊正長馬巫馬掌養疾馬康人掌十二

閑之政教以阜馬圉人掌芻牧以役圉師凡大祭禮
覲會同毛馬而頌之凡軍事物馬而頌之註毛馬齊其
色物馬齊其力禮書天子十二閑馬六種每馬一圉
每乘一師三乘馬十二匹三阜為繫三十六匹六繫為
廐二百一十六匹六廐成校校有左右則十二廐合三
千四百五十六匹種各二廐廐有左右則一種四百三
十二匹良馬五種則合二千一百六十四匹又駑馬一種
三良馬一種之數則為千二百九十六匹五良一駑凡
三千四百五十六匹邦國六閑四種家四閑二種蓋諸
侯及大夫廐無左右則良馬三居三廐合六百四十八
匹駑馬三良馬一種之數居三廐亦六百四十八匹

千二百九十六匹家四閑二種一良居一廐二百一十六匹駑三之居三廐為六百四十八凡八百六十四匹諸侯六閑彼衛文公之駑牝三千齊景之馬千騶三千則近於天子十二閑之數而千騶又過之是皆僭侈而違禮者也

周禮校人掌王馬之政辨六馬之屬種馬一物戎馬一物齊馬一物道馬一物圉馬一物駕馬一物

注種馬馬之善育者王路駕種馬戎路駕戎馬金路駕齊馬象路駕道馬田路駕田馬駕馬給宮中之役

禮月令季秋天子教于田獵命僕及七騶咸駕注僕戎僕天子馬有六種各一騶主之并總主六騶者為七騶也皆以馬駕車

漢百官表家馬五丞尉師古注家馬

者主供天子私用非大祀戎事軍國所須故謂之家馬也

孔六帖飛龍廐日以八馬列宮門之外號南衙立使馬

杜詩注唐令諸掌牧馬以小官字印左膊以年辰印印右膊以監名依左右廂印印尾側至二歲起者量其強弱漸以飛字印左廂膊細馬俱以龍形印印項左官馬賜人者以賜字印配諸軍及符傳送驛者以出字印並印右頰

唐六典凡外牧進良馬印以三花飛鳳之字而為誌焉尚乘奉御掌內外閑之馬辨其麤良而率其習教六閑一曰飛黃二曰吉良三曰龍媒四曰騶駼五曰馱駼六曰天苑左右凡十有二閑分為二廐一曰祥麟二曰鳳苑以繫飼馬

各畫要錄開元天

寶間承平日久世尚輕肥多愛三花飾馬郭若虛家藏
貴戚閱馬圖中有三花馬蘇大參家有韓幹畫三花御
馬晏元獻家藏一畫虢國出行圖亦有三花馬三花者
剪綜爲之辯杜甫詩蕭蕭千里馬箇箇五花文註馬
鬣剪爲五花或三花象天文王良星也羣書考索六
邊長吏擇牙吏入蕃招募良馬詣京師至則佑馬司定
其直御馬有三等祇應馬引駕馬從馬其次給用又有
十五等一箇中馬二不得久使馬三濛價馬四國信馬
五臣寮馬六諸班馬七御龍直馬八捧日龍衛馬九拱
聖馬十驍騎馬十一雲騎馬十二天武馬猛馬十三雜
配事馬十四雜使馬十五馬鋪馬羣書考索凡馬羣

之號一七字左騏驎院捧日馬內瓦倒印驍騎馬內中
薄橫印龍猛馬外尾則正印千字左騏驎院龍猛馬內
薄正印雜使馬內薄橫印遞馬內瓦倒印右騏驎院雜
使馬外瓦橫印遞馬外尾側橫印上字左騏驎院給諸
班直諸軍員馬臨時印無定所立字右騏驎院給諸班
直諸軍長行馬外人所印永字左騏驎院給諸班有諸
軍長行馬外人所印又諸監三歲馬亦永字印瓦骨官
字蕃戎所貢之馬及歲時所市之馬初用之牡印其項
牝印其項諸監牧駒主歲亦如之凡馬骨相應圖法可
充御馬者以官字印其項令圍師調習之吉字兩院諸
馬自龍猛馬已上稍馴驥老印以備近臣中謝生辰所

賜及揀選支用又坊馬部至京選配他處亦以吉字印汗溝天字國信馬及諸班拱聖驍騎馬舊用天字印

楊鉅翰林志學士初入院賜馬一匹謂之長借馬

書考索周之渭涇魯之闕野漢之樓煩唐之沙苑此西

北牧馬之地也六朝置區於臨越藏之內地錢氏置監

於婺女號為馬海此東南牧馬之地也

述異記東海島龍川穆天子養馬處有龍芻草馬食之一日行千里

漢書衛綰奏馬齒未平不得出關西陽雜俎瓜州

飼馬以葦草沙州以茨其涼州以勃突渾蜀以稗草以

蘿蔔根飼馬馬肥安北飼馬以沙蓬狼針博物志馬

食穀則足重不能行國憲家猷秣馬之法必視其齒

歷勞逸而調息之潛確類書元文宗時雲南行省言

亦乞不薛之地牧馬歲給鹽以每月上寅日噉之則馬

俱無病比因伯忽叛亂雲南鹽不到馬多病死詔命四

川行省以鹽給之續秘笈凡馬至秋高則甚肥此而

急馳驟之不三舍而馬斃矣以其臙未實也於是擇其

尤良者加以控馬之方每日步馬二三十里俟其微汗

則繫其前足不令之跳踞躡也促其銜轡不令之飲

水齧草也每日午後控之至晚或晚控之至黎明始散

之牧場中至次日又復如是控之至三五日或八九日

則馬之脂膏皆凝聚於脊其腹小而堅其臀大而實向

之青草虛臙至此皆堅實凝聚即盡力奔走而氣不喘

即經陣七八日不足水草而力不竭

獨異志東晉大

將軍趙固所乘馬暴卒令三十人悉持長竿東行三十里遇丘陵社林即散擊俄頃擒一獸如猿持歸至馬前獸以鼻吸馬馬起躍如舊今以彌猴置馬廐此其義也

南部新書

劉三復能記三生事云曾為馬馬常患渴

望驛而嘶傷其蹄則連心痛後三復乘馬過磽确之地必為緩轡有激石必去之

珍珠船

接伴使耶律永興

副姚跋回張回問北馬有割去肺者遂無病能行果否云有之其法飲以醇酒於腋間破之

抱朴子

韓子治

嘗以地黃甘草啖五十歲老馬以生三駒又百三十歲乃死

史記楚莊王有愛馬衣以文綉置華屋下席以

露牀啗以棗脯

馬癖記王武子好馬非馬不行正且

則柳葉金障泥上元則滿月韃清明則剪冰鞭重午則籠嬌鞍中秋則玉權總絡頭重陽則蟬兒鐙春秋社則

塗金鞞冬至則嘶風鐙除日則藥玉鞍每節則飼馬以

明紗豆薔薇草

三國典略

北齊高緯御馬皆藉以氈

蜀被以金玉食物有十餘種號為駮龍儀同其將合牝牡則設青廬繡帳

唐書

王毛仲高麗人從帝東封取

牧馬數萬匹每色一隊相間如錦繡天子才之

無馬

山海經大樂之野夏后啓於此舞九代馬乘兩

龍曹植獻文帝馬表臣於先武皇帝世得大宛紫驊

馬一匹形法應圖善持頭尾教令習拜今輒已能又能

行與鼓節相應謹以奉獻宋書宋大明五年吐谷渾
拾寅遣使獻舞馬張裕傳梁武天監四年襍飲華光
殿其日河南國獻赤龍駒能拜伏善舞珊瑚鉤詩話
唐開元中教舞馬四百蹄衣以文繡飾以珠玉和鸞金
勒星粲霧駮俯仰赴節曲盡其妙每舞藉以巨榻樂
志玄宗嘗以馬百匹盛飾分左右施三重榻舞傾杯數
十曲壯士舉榻馬不動樂工少年姿秀者十數人衣黃
衫文玉帶立左右每千秋節舞於勤政樓下明皇雜
錄玄宗教舞馬分爲左右部有名稱曰某家驕其曲曰
傾盃樂數十馬皆衣以錦繡絡以金鐸每樂作奮首鼓
尾縱橫應節祿山取數十匹歸范陽後爲田承嗣所得

不知其伎也一日大饗樂作馬間樂而舞既人以爲妖
擊之而斃焉演繁露唐中宗景龍文館記已有舞馬
非明皇刑教也柱氏通典鳳花廐有蹀馬俯仰騰躍
皆合節奏稗史類編唐宴吐番蹀馬之戲皆五色彩
絲金具裝於鞍上加麟首鳳翅樂作馬皆隨音蹀足宛
轉中節

異馬
孝經援神契王者德至山陵則澤出神馬漢
書音義驥裏者神馬也赤喙黑身瑞應圖乘黃王者
輿服有度則出飛兔者神馬之名也日行三萬里禹治
水勤勞歷年救民之害天應其德而至符瑞圖騰黃
者神馬也其色黃王者德御四方則至一名吉光此馬

無死時一名乘黃亦曰飛黃或作吉黃或曰翠黃一名紫黃其狀如狐背上有兩角出白民之國乘之壽三千歲黃帝乘之淮南子黃帝治天下飛黃服阜洞冥記東方朔遊吉雲之地越扶桑之東得神馬高九尺腹裏有旋毛如日月狀如月者夜光如日者晝光毛色隨四時之變帝問朔曰昔西王母乘靈光之輦以適東王公之舍稅此馬於芝田而食芝草王公怒棄馬於清津天岸臣至王公壇因騎而返繞目三匝此馬入漢關關已半掩帝問其名曰步景文苑英華梁太清元年四月神馬出五月丁酉朔詔以馬寶示羣臣漢書注大宛國有高山其上有馬不可得因取五色母馬置其下

與集生駒皆汗血因號曰天馬子云華山志玉女廟有馬一匹神靈異常夜聞嘶噉之聲頂上隱者常見之郭子章馬記伏羲時龍馬負圖出河遂則其文以畫八卦漢書注乘黃龍翼馬身黃帝乘之而仙尚書中候堯時龍馬銜甲赤文綠色臨壇上甲似龜廣袤九尺圓理平上五色文有列星之分斗政之慶帝王錄紀之瑞應圖龍馬者仁馬也河水之精高八尺五寸長脰身有鱗甲諸上有翼旁有垂毛鳴聲不哀蹈水不沒有明王則見也太平清話許松皐云河圖龍馬旋毛若初生小兒髮列子舜駕五龍馬行康衢洞冥記脩彌國有馬如龍名曰藏空謂騰虛逐日藏形空中惟

聞聲也。〔遼〕甲開山圖。隴西神馬山有淵池。龍馬所生。〔韻府〕續編。青海之傍。馬多龍種。號龍係。〔西〕或傳。箇失密出龍種。馬世傳地本龍池。龍徙水竭。故往居之。〔馬〕記。金龍池在馬邑縣。後魏時。池有二龍。化馬一驪一黃。遇天陰。輒出。民間牝馬遇之。生駒神駿。或有角如鹿茸然。又唐王昌遇落魄仙。授以道術。歸呼馬送之。瞬息至家。馬化為龍。入瀟川澤中。又峨眉縣。昔有一馬馳走如飛。邨民攬捕。傷足。投之池中。一夕雷雨大作。劈山而去。〔唐〕書。天寶中。隴右節度皇甫惟明奏。龍支縣人庫狄孝義有馬。生龍駒。經九旬。有九日。身有鱗而不生毛。臣就檢視。時有慶雲五色。遙覆馬上。久而不散。請討

史官。一統志。貴州養龍坑有靈物。藏其下。當春初。夷人立柳坑畔。擇牝馬繫之。已而雲霧晦冥。類有物與接。其產必龍駒。〔馬〕記。明永樂庚子冬十月。山東諸城縣民崔友諒以龍馬來獻。其色青蒼。肉鬣隱起。背有奇文。交互錯綜。若龍鱗然。赤鬣肉尾。麟臆鳳膺。敷腹潤澤。狀甚奇異。詢諸其民。云所居之地有潭。灑海深不可測。時有神物。蜿蜒雲霧之中。隱見潭上。家有牝馬。恒牧於茲。忽一夕風雲驟作。遂產此馬。若有神異。搗呵光彩照耀。上燭霄漢。遠邇嗟異。咸曰此龍馬也。宜聞於朝。以彰天庥。為千萬世太平之光。〔蜀〕志。馬鳴溪。昔土人鄭氏牧溪上馬。產龍駒。四蹄利爪。朱鬣。頰尾高七尺。振鬣長鳴。

躍於水故名。〔瑞應圖〕玉馬者王者清明尊賢則至。瑞應圖。玉澤馬者師曠時來。〔爾雅〕野馬。〔注〕如馬而小出塞外。〔說文〕騶騶野馬出北海形似鹿。〔天中記〕瑞應經云佛生之日王家青衣復產一兒廐中白馬亦乳白駒奴字車匿馬曰健。隋王常使隨太子本起經云其駒毛色純白鬣鬃貫珠各為蹇持奴日闡持。〔起世經〕轉輪王有紺馬之寶名婆羅訶。色青體尾毛悅澤頭黑髮披有神通力騰空而行日初出時乘此馬寶周流大地還至本宮乃始進食。〔神異記〕西海有白馬朱髦河伯使者乘之如飛所至之國雨水滂沱。〔鳥獸續考〕山馬形如鹿差黑二角眼下復有二眼日閉夜開以燭物。

〔海語〕海馬色赤黃高者八九尺逸如飛龍山食而宅海蓋龍種也東南島夷老於泛海者問一見云。楊文公談苑海馬骨水火俱不能毀惟漚以腐糟隨毀徐鉉得海馬骨上脛可長三尺腦骨若斷柱積柴焚三日不動以腐糟纒漚之遂爛焉。〔華陽國志〕會無縣有元馬祠家人牧山下或產駿駒元馬子也。〔山海經〕一臂國有黃馬虎文一目而一耳。〔寰宇記〕電白海中出驂馬似馬而牛尾。〔禮斗威儀〕若乘火而王南海輪駿馬。〔山海經〕敦頭之山中多驂馬牛尾白身一角音如虎滑水中多水馬如馬而支臂牛尾其音如呼。〔周書〕王會解俞人雖馬。〔注〕俞東北夷無馬駕如馬一角。〔周書〕義

渠茲白者白馬鋸齒食虎豹

馬異

廣博物志周幽王生之歲有馬化為狐史記

秦孝公二十一年有馬生人昭公二十年牲馬生子而

死搜神記漢文帝十二年吳地有馬生角在耳前上

向右角長三寸左角長二寸皆大二寸漢哀帝建平三

年定襄有牡馬生駒三足隨羣飲食五行志以為馬國

之武用三足不任用之也晉大興二年丹陽郡吏僕

陽演馬生駒兩頭自項前生別生而死此政在私門二

頭之象也其後于敦陵上晉書武帝太熙元年遼東

有馬生角在兩耳下長二寸愍帝建興二年九月蒲子

縣馬生人南史陳太師四年西衡州獻馬生角搜

神記魏齊王嘉平初白河出妖馬夜過官牧邊鳴呼

眾馬皆應明日見其迹八如斛行數里還入河靈鬼

志陳安為河間王顛給使甚壯健常乘一馬駿快非常

后馬死雙赤蛇出其鼻唐五行志大和九年易定馬

飲水因吐珠一以獻北齊書路巖成都移渚宮所

乘馬忽作人語且曰蘆菽花此花開後路無家不久及

禍葛洪神仙傳章震號王子能以泥作馬日行十里

大唐奇事京洛富人王武者得一馬白色如一團美

玉其鬃尾赤如朱馳驟之駝非常馬得及武將以獻大

將軍薛公其馬忽於廐中入嘶一聲後化為一泥壑之

馬立焉武大驚訝遂焚毀之南渡錄康王宋徽宗弟

羞辨腥臊。羶香之不可食者。曰牛夜鳴則廄。注廄臭也。牛夜鳴則反常其肉必臭。王制諸侯無故不殺牛。穀者民之命。牛植穀。故王法禁殺。天中記世本曰駮作服牛。駮黃帝臣也。又曰少昊時人始駕牛。稷之孫曰叔均是始作牛。注始用牛犁也。記古者牛唯服車。書曰肇牽車牛。易曰服牛乘馬。漢趙過始教人用牛耕。王弼傳易曰牛稼穡之資。是不原漢始牛耕之意。嶺表錄異瓊州不產驢馬人多騎黃牛亦飾以鞍韉。加之銜勒可騎者皆自小習其步驟甚穩快。周禮封人掌飾其牛牲。設之楅衡。置鞮供其水藁。注楅衡所以持牛令不觸人也。庶物異名疏楅衡易

所謂特者也。說文施橫木於牛角以防其觸。鄭玄謂楅設於角。衡設於鼻。如楛狀。釋云如楛狀者。漢時有置於犬之上。謂之楛。故舉以况衡。升菴云。楛音加。今日闔筒字書闔出頭貌。周官牛人掌養國之公牛以待政令。祭祀供享牛。求牛賓客供積膳牛。饗食供膳羞牛。置事其楛牛。喪事供奠牛。軍旅供兵車之牛。禮帝牛不吉。以為稷牛。帝牛必在滌。三月稷牛惟具。所以別事天神與人鬼也。天子以犧牛。諸侯以肥牛。大夫以索牛。蠻叢笑。客多行桃源路。洞中古軍事。勝負及疾病。祈禳皆以牛。用名例牛。白樂天詩鄭牛識字吾常歎。注諺云鄭玄家牛觸牆成入字。左傳麇鼠食郊牛角。改卜

格致鏡原卷之二 獸類 牛

牛麋鼠又食其角乃免牛 禮王制祭天地之牛角繭栗宗廟之牛角握賓客之牛角尺 註如繭如栗犢也角未出也握手可握也尺者取肥大而已 考工記角長二尺有五寸三色不失理謂之牛戴牛 註三色本白中青末豐也牛戴牛謂所戴之角又有一牛之直也 爾雅北方之美者有幽都之筋角焉 註幽都山各謂多野牛筋角 本草李時珍曰角尖中堅骨一名骨胎言在角內也 北史桓帝英傑魁岸馬不能勝常乘安車駕大牛牛角容一石 敖英東谷贊言宋南渡詔市牛筋五千斤李禧奏曰一牛之筋纔四兩是欲屠二萬牛也 遂止 劉敬叔異苑山陰有人常食牛肉左脾便作牛

鳴每勞輒劇食乃止 本草牛黃出林縣凡牛有黃者毛支光澤睛色如血時鳴吼而好照水人以盆水承之伺其將吐乃喝迫之即墮水中如雞子黃大重疊可揭輕盈而香摩爪甲上其色不落者佳若殺死在角中得者名角黃心中得者名心黃肝膽中得者名肝黃 石藥爾雅牛乳汁一名齏蠕漿 北史魏王瑒以年老拜敬騎常侍養老於家常飲牛乳色如處子 談苑高若訥能鑿以鍾乳飼牛飲其乳後患血痢卒或云冷煖相薄使然 續秘笈牛羊之乳凡為酥為酪為餅皆取給焉取牛乳則俟犢能齧草遂隔別之日取其乳至夜始令母子相聚也 真珠船錫蘭國不食牛肉止食其乳

牛死卽埋之私宰者罪死或輸金如牛首以贖罪爾雅旄謂之龍註旄牛尾也晉書夫餘國若有軍事殺牛祭天以其蹄占吉凶蹄解者爲凶合者爲吉五經鉤沉東夷之人以牛骨占事呈示吉凶無往不中牛非含智之物骨有若此之效幽明錄淮牛渚津水極深無可算計人見一牛形甚塊壯以金爲鍊絆續漢書十二月立土牛六頭於國都郡縣城外丑地送大寒李涪刊誤月令出土牛以示農耕之早晚謂於國城之南立土牛其言立春在十二月望策牛人近前示其農早也立春在十二月晦及正月朔策牛人當中示其農中也立春在正月望策牛人在後示其農晚也今天

下州郡立春日制一土牛飾以文彩卽以綵杖鞭之旣而碎之各持其土以祈豐稔不亦乖乎蜀紀秦惠王欲伐蜀乃刻五石牛置金其後蜀人見之以爲牛能便金此天牛也使五丁力士拖牛成道秦得道通石牛力也崔鴻趙錄石虎末洛陽西北光里石牛在青山上忽鳴聲聞三十里遣人打落兩耳及有鐵釘四脚郡國志貴州有洞池下有石牛時出池間則歲旱廣州記州有石牛每旱殺牛以血和泥泥石牛背旣畢卽雨泥盡方止諸葛亮集木牛者方腹曲頭一脚四足頭入腹中舌著於腹載多則行少則否宜可大用不可小使

別名 曲禮凡祭宗廟之禮六牲牛曰一。元大武註元頭也武足迹牛肥則迹大。演繁露牛羊豕具為太牢。但有羊豕而無牛則為少牢。今人獨以太牢名牛失之矣。清異錄天成長興中以牛者耕之本殺禁甚嚴有盜屠私販不敢顯其名宛稱曰格。合璧事類劉訓者京師富人時春遊以觀牡丹為勝賞訓邀客賞花乃繫水牛數百在前指曰此劉氏黑牡丹也。廣記南山牛自稱桃林班特處士。抱朴子山中丑日解書生者牛也知其各則不能為害。清異錄陽翟莊舍有田老者謂牛為黃毛菩薩。雜俎北虜之先索國有泥師都巴婆生四子一子化為鴻遂委三子謂曰爾可從古旃

古旃牛也三子因隨牛牛所養悉成肉酪。世史正綱虜呼牛為不花。苑書瞿摩帝牛也。說文牡畜父也從牛土聲犗特牛。犢牛牝畜母也從牛匕聲犢牛子也犗二歲牛也犗三歲牛也犗四歲牛也犗騰犢牛也犗白黑雜毛牛也犗犗牛也犗牛白脊也犗黃牛虎文也犗犗牛也將牛白脊也犗牛文犗如星也犗牛黃白色也犗黃牛黑唇也犗白牛也犗牛長脊也犗牛徐行也犗牛息聲也一曰牛鳴犗牛純色也犗牛馬牛也犗以芻菴養牛也犗牛桑謹也。郭璞爾雅註犗無角牛犗豎角牛犗黑唇牛犗黑背犗黑耳犗黑腹牧黑脚犗體長犗絕有力欣犗。說文牛赤色

各散卷頁次六獸類牛

曰梓。又曰桐。黃曰特。黑曰犁。又曰榆。牝牛曰特。牡牛曰特。又曰植。又曰牯。又曰犛。又曰犛。又曰犛。水牛曰牯。呂忱字林。物。牛鳴也。犛。野牛也。犛。牛具齒也。爾雅。牛七尺為特。易。大畜。童牛之牯。漢書。朱家傳。乘不過輻牛。注。晉灼曰。輻。輓。輓也。輻。牛。小。牛也。周書。成王時。西夷貢獻。卜盧。純牛。孔晁註。純。牛。牛之小者。王會圖注。每牛牛之小者。穆天子傳。天子飲於文山。有獻良駟。方音。牛。二。此牛能行沙中。如橐駝。洞冥記。元封三年。大秦國貢花蹄牛。其色駁。高六尺。尾環繞其身。角端有肉蹄。如蓮花。善走。冬力。帝使輦銅石。以起望仙宮。迹在石上。皆如花形。拾遺記。魏文帝迎美人薛靈芸。駕青。色。駟。

蹄之牛。日行三百里。乃尸塗國所獻。足如馬蹄。世說。王君夫有牛。名八百里駁。常瑩其蹄角。桓譚新論。夫畜生賤也。然有尤善者。皆見記識。故馬稱驎。駟驥。駟牛。譽郭。椒。丁。櫟。南史。陳顯達家。既豪富。諸子與王敬則。諸兒。命精車。牛麗服飾。當世。快牛。稱陳世子青。王三郎。鳥。呂文顯。折角。江瞿。曇白。鼻。南史。齊明帝賜蕭穎。曾以常所乘白輪牛。天中記。唐鳳閣侍郎李元素。進瑞牛。一頭。額上有萬字。山海經。岷山多夔牛。注。今蜀山。中有大牛。重數千斤。名夔牛。晉太興元年。此牛出上庸。郡人弩射殺得。三十八擔肉。即爾雅所謂犛。蟬史。俗稱夔牛。即夔。不知夔似牛。一足夔牛。四足夔。無角夔牛。

有角夔水獸。夔牛，山獸也。〔爾雅〕：摩牛。〔註〕：出巴中，重千斤。〔異物志〕：日南多駛牛，日行數百里。〔廣志〕：犏牛，庫小，今謂之犏牛，又呼果下牛，出廣州高涼縣。犏牛，旄牛也，無角，髀膝尾間皆有長毛，可以為旄。〔海錄碎事〕：梧州出獨犏牛，土人乘騎如馬，謂之角乘。〔廣志〕：爆牛，野牛也，出海康頂，上有肉，大如覆斗，一日犏牛健行者，日三百里，出交州合浦。〔蟬史〕：爆牛，抵觸百獸，故金吾仗刻爆牛於槩首。〔爾雅疏〕：犏牛，其領土肉隆起，若封然，因以名之，即今之犏牛。〔莊子〕：犏牛大若垂天之雲。〔廣志〕：犏牛，黑色，出西南徼外，腹下及肘皆有赤毛，長尺餘，而尾大如斗。天子左纛，以此尾為之，出梧州。〔漢郊〕

〔禮志〕：殺一羴牛。〔注〕：西南夷長髦之牛也。〔埤雅〕：羴牛，出西域，尾長而勁，中國以為纓，人或射之，亦自斷其尾。〔物類志〕：犏牛，足四節。〔物類相感志〕：旄牛，腹下及肘脚皆有赤毛，一尺，自愛惜，尾若草木，鉤之則止，不動，解乃去，或味其肉，若酪甚美，而麤種難制，若欲取其乳，使人歌於前，強然乃可取也。〔水東日記〕：犏牛與封牛合則生犏牛，狀類牦牛，偏氣使然，故謂之犏。〔一統志〕：甘肅出犏牛，力能載重。〔異物志〕：州雷水牛也，毛青，大腹鏡頭，青尾。〔鬱林異物志〕：州雷者，其寔水牛，蒼毛豕身，角若擔子，衛護其犢，與虎為讐。〔廣志〕：州雷項上肉大如斗，似橐駝，日行三百里。〔相如上林賦〕：沉牛。〔註〕：張揖曰

水牛能沒入水中。抱朴子水牛結陣而却虎。鳥獸
續考海邊山內野水牛甚狠但見生人身穿青者必趕
來抵觸而死出占城國。物類相感志竹牛出窮朔北
方甚大力能伏虎生子於竹中虎若行近則逐迹抵觸
林木虎驚懼而戢伏。玉堂閒話臨洮已西至於疊岩
嶓岷之境數郡良田自祿山以來陷為荒徼其間多產
竹牛野牛其色純黑其一可敵六七駱駝肉重千萬斤
者其角二壯夫可勝其一每飲處之處則拱木叢竹踐
之成塵獵人先縱火逐之俟其奔迫則毒其矢向便射
之泊中鏃乃挈鍋釜負糧榘躡其踪緩逐之矢毒既發
卽斃踏之如山積肉如阜。牛致肉數千斤新鮮栗
者甚美饒如紅絲線

康昨夢錄西夏有竹牛重數百斤角甚長而黃黑相間
用以製弓極佳尤且健勁其近弮黑者謂之後黥近稍
近弮俱黑而弓面黃者謂之玉琴夏人常雜犀角以市
焉然為帶無他文但擊轡高低繞人腰圍耳為弓則貴
為他則不足道也。恩平郡譜沉牛謂之回沙牛謂之
磨。羣書考索牛有二種一曰沉牛牛之善水者也一
曰沙牛俗亦謂之黃牛事物紀原牛皮如豹蹄似
牛長九尺高丈餘出西域。廣志麒麟牛似鹿又似羊肉
美皮溫常處滇濱也。酉陽雜俎野牛高丈餘其頭若
鹿其角若了戾長一丈白毛尾似鹿出西域。初學記
引牧牛項上肉大如斗出徐門。南史扶桑有牛角甚

長以角載物至勝二十斛世說吳牛見月而喘

林海錯蔥倍青牛也帝耕籍田用之文選蔥倍服於縹

輓關中記周元年老子乘青牛度關郡國志寶州

特亮縣昔有白牛夜出光影照於人見牛光號為特亮

後魏書元仲景性嚴峭兼御史中尉每往臺駕赤牛

號赤牛中尉

齊民要術牛岐胡有壽岐胡率兩眼去角

近行駛眼欲得大眼中有白脉貫瞳子最快二腋齊者

快二輓從鼻至蹄為前頸骨長且大快壁堂欲得闊

脚也倚欲得如絆馬聚而正也莖欲得小膺庭欲得廣

膺庭天關欲得成接骨也備骨欲得垂備骨脊骨中洞

鬐無壽洞胡從頭旋毛在珠淵無壽珠淵在上池有亂

毛起妨主上池兩角中倚脚不正有勞病角冷有病毛

拳有病毛欲得短密若長疎不耐寒氣耳多長毛不耐

寒熱單脊無力有生瘡即决者有大勞病尿射前脚者

快直下者不快亂睫者祗人後脚曲及直並是好相直

尤勝進不甚而退不甚曲為下行欲得似羊行頭不用

多肉臀欲方尾不用至地至地少力尾上毛少骨多者

有力膝下縛肉欲得硬角欲得細橫豎無在大身欲得

促行欲得如卷卷者其插頸欲得高一曰體欲得緊大

賺疎肋難飼籠突日好跳又云不鼻如鏡鼻難牽口方

易飼蘭椽欲得大蘭椽豪筋欲得成就豪筋豐岳欲

得大豐岳膝蹄欲得豎豎如垂星欲得有努肉垂星蹄
覆蹄謂力桂欲得大而成功力桂肋欲得密肋骨欲得大
之努肉而張張而髀骨欲得出髀骨上出背脊易牽則易使難
牽則難使泉根不用多肉及多毛泉根懸蹄欲得橫
如不陰虹屬頸行千里陰虹者有雙筋白毛陽鹽欲廣
字也有似鳴者有黃酉陽雜俎牛三歲二齒四歲四齒五
歲六齒六歲已後每一年接脊骨一節志怪苟晞為
兗州鎮去京師五百里募得牛能日行千里晞且發書
疏一更始竟答書已還晞以其駿快疑筋骨有異殺而
觀之唯有雙筋如小竹大白頭挾脊著肉裏故外不覺

異牛

述異記周成王時東夷送六角牛周書成王
時大夏獻茲白牛孔晁注茲白牛野獸也牛形象齒
南越志綏安縣北有連山昔越王建德伐吳得牛其大
千石以童男女三千人牽之既而人船俱墜於潭時時
聞附船有騾然之聲往往有青牛與船俱見神靈之至
博物志九真有神牛乃生溪上黑出時共鬪即海沸
黃或出鬪岸上家牛皆怖人或遮之則霹靂至號曰神
牛玄中記大月支及西胡有牛名日及一作反牛
以今日割取其肉三四斤明日其肉已復瘡亦愈唐
西域傳天竺其畜有稍割牛黑色角細長四尺許十日
一割不然困且死人飲其血或曰壽五百歲牛壽如之

〔寰宇記〕九真有糖牛。形如牛而大頭白身黑角長二丈堪為酒器。〔交州記〕新昌穴出山犢似秦牛名糖牛常與蛇同穴人以鹽著手夜入坎中取之其舌滑者是蛇其舌燥者則牛也因引之而出焉其角如玉。〔西陽雜俎〕勾漏縣大江中有潛牛形似水牛每上岸鬪角軟還入江水角堅復出。〔齊地記〕東萊牛島上嘗以五月海牛產乳海牛形似牛而無角騂色虎聲爪牙亦如虎脚似鼉魚尾似鮐魚尾長尺餘其皮甚軟可供百用牛見人奔入水以杖擊鼻則得之。〔事物紀原〕海牛山文登海中長丈餘紫色無角性捷疾見人則飛入海其膏可然皮可弓韃矢房。〔揚子臨海水土記〕魚牛象瀨大

如犢子毛青黃色其毛以氈知潮水上下

〔搜神記〕秦文王五年游於胸衍有獻五足牛者。秦世喪用民力京房易傳曰興繇役奪民時厥妖牛生五足。〔搜神記〕漢景帝中六年梁孝王田北山有獻牛。足出背。上者漢靈帝延熹五年臨沅縣有牛生鷄兩頭四足。〔晉書〕武帝太康九年幽州塞北有死牛頭語接師曠曰怨讎動於人則有非言之物而言。〔搜神記〕晉大興元年三月武昌太守王諒有牛生子兩頭八足兩尾共一腹不能自生十餘人以繩引之子死母活其三年後苑中有牛生一足三尾生而死也。〔朝野僉載〕先天年洛下人牽一牛腋下有一人手長尺餘逆坊而

乞 陸勳集異志武后長安中有獻牛無前膊三足而
行者又有牛膊上生數足蹄甲皆具武太后從姊之子
司農卿宗晉卿家牛生三角 唐五行志大曆八年武
功禳陽民家牛生犢二首咸通七年荊州民家牛生犢
五足

羊

羊 說文羊祥也象四足角尾之形 以禮注羊火
畜屬 周易兌為羊吳氏注羊外柔能悅草而內剛
狠故兌為羊 坤雅詩曰羊牛下來先羊後牛者羊性
畏露晚出而早歸常先於牛故也 說文羊大則美故
从大羸瘦也羊以瘦為病羔羊子也咩羊鳴也羴羊臭

通 春秋繁露凡贊卿用羔羔有角而不用如好仁者
執之不鳴殺之不嗥類死義者羔飲其母必跪類知禮
者故以為贊 晉書鄭氏婚物贊曰羊者祥也然則婚
之有羊自漢末始也 禽獸決錄羊性淫而狠 名義
考羊性狠愈率愈不進其目狠庚言不順從也 坤雅
羊身成羣則必以一雄為主舉羣聽之今俗所謂壓羣
者是也北人謂之羊頭 松漢紀聞北羊不厭觸善牧
者每羣必置殺癩羊數頭仗其勇得行必居前羣羊隨
之 封氏聞見記凡新羊入羣為諸羊所觸不相親附
火燒其尾則定 蕭大亨夷俗記羊之羔每一年一產
產於春月者為佳羊有一年再產者然秋羔多有倒損

之患故牧羊者每於春夏時以氈片裹羝羊之腹防其與牝羊交接也。〔羣國志〕吳房堂溪有白羊淵漢武元封二年有白羊出此淵畜牧者禱祀之初出一羊婦人大驚拍手羊自此絕焉今俗生羊禁婦人拍手是效古也。〔易林〕羊腸九縈。〔易注〕羊無睛而能視死不瞑目。〔周禮〕內饗辨腥臊膾香之不可食者羊脊毛而毳羶注冷毛長毳七結。〔續秘笈〕取羊乳俟羔能齧草驅至他所將牝羊剪兩隻其頭相對束縛之使不動人從羊尾後取之取畢始解其束縛令母子相聚也。〔舊唐書〕拂林國有羊羔生於土中其國人候其欲萌乃築垣以環之防外獸所食然其臍連地割之絕則死惟著甲志

馬擊鼓駭之其羔驚鳴而臍絕因逐水草以一二百口為羣。〔劉郁〕西使記。種羊出西海以羊臍種土中澆以水聞雷而生臍系地中及長驚以木聲臍斷便行嚼草至秋可食臍內復有種。〔姚桐壽〕樂郊私諺大漠迤西俗能種羊凡屠羊用其皮肉惟留骨以初冬未日埋著地中至春陽季月上未日為吹箏咒語有子羊從土中出凡埋骨一具可得子羊數隻此蓋四生胎外之化也。〔丹房鏡源〕羊脂。柔銀軟銅。羊角。縮賀賀錫也。〔雷青〕日札。羊哀在腸形如小鼠子可治鬲食翻胃。〔史〕按牛有黃狗有寶羊有卵石俱在腹中附臍而生羊卵白石色如玉絕類狗寶可治翻胃及羊病。〔物類相

感志鑄鐵不消以羊頭骨灰致之乃消融。燕北雜記
契丹行軍不擇日用艾和馬糞於白羊羴骨上灸灸
破便出不破便不出一云占卜每用羊髀骨以鐵錐錐
之視其兆拆以決大事。丹銓總錄元朝主中國日用
羊皮寫諸謂之羊皮聖旨。庶物異各疏草木子云北
人殺小羊自脊上開一孔逐旋取去內頭骨肉外皮皆
完採軟用以盛乳酪酒渾謂之渾脫按宗晉卿舞渾脫
公孫大娘渾脫舞長孫無忌以烏毛為渾脫氈帽皆喻
其柔軟若無骨而脫亦謂消肉羶也。南史江東謂殺
羊角為羴。格古要倫花羊角多出北地黑身白花
者高白身黑花者低作刀靶染油不滑凡刀靶瀉瀉本

為最佳花羊角次之他物皆不及也。玄中記千歲之
樹精化為青羊。抱朴子山中未日稱主人者羊也
白澤圖羊有一角當頂上龍也殺之震死。百六帖玉
羊瑞器也鐘律調和五聲當節則見。列仙傳葛田好
刻木羊賣之一旦騎羊入蜀。五代史劉鋹四年苑中
羊吐珠樊胡子以為符瑞諷羣臣入賀。
詳類 邢昺爾雅疏白粉謂吳羊也其牝者名牂云夏
羊者黑殺羴也其牡者名羴即助斌也其牝者名殺郭
璞云今人便以群殺為白黑羊各其實白羊牝者各群
黑羊牝者各殺羊角不齊一長一短者各羴羴捲也羊
角捲三匝者各羴羊之黃腹者名羴羊新生未成羊者

名野郭云俗呼五月羊為野詩小雅伐木云既有肥野
是也壯大絕有力者名奮。廣雅牡一歲曰羝三歲曰
羴牝一歲曰牝二歲曰羴吳羊牴曰羴殺羊牴曰羴羊
子曰羴。說文野五月生羔也羴六月生羔也羴七月
生羔也羴羊未卒歲也羴乘羊也羴羊名也。中記
羴胡羊也羴羊腊也。爾雅羊六尺為羴。博物志羊
而不角口羴羊。太玄羴羊之羴鳴不類注羴羊大羊
也。列繆正俗問小羊未成爲羴子何答曰按呂氏字
林羴音未啐羊也今言旋者語訛耳當言羴子也達亦
小羊詩云先生如達羊子易生無留難也。廣博物志
羊以正月產者爲上羔仲冬產者爲次羔季春以後產

者爲下羔。楊善夫錄羊有二種不可食毛長而黑壯
者曰骨羴白而有角者曰古羊皆羴良發病羊之大者
不過五十觔奚中所產者百餘觔。本草綱目生秦晉
者爲夏羊頭小身大毛長土人剪其毛爲氈謂之綿羊
羴涯勝覽河丹國綿羊白毛無骨於角處有兩搭圓
黑甚異其項下如黃牛袋毛短如犬尾大如盤忽魯謨
斯國有大尾綿羊重七八十斤其尾闊一尺餘拖地重
二十斤狗尾羊如山羊尾長二尺餘羴羊高二尺七八
寸前截毛長拖地後半皆剪淨頗似綿羊角彎向前上
帶小鐵牌好鬪好事者養之賭博爲戲。事林廣記大
食勿斯離國產胡羊高三尺餘其尾如扇每歲春時割

取脂二十餘斤再縫合仍生不取則脹死續漢書鮮卑國有原羊廣志獐羊角重於肉卑雅獐羊似吳羊而大角角櫛善鬪至死釋獸所謂獐如馬獐如羊者卽此是也獐羊之在原不可牢畜者也一日狀若騾而羣行暑天塵露在其角上生草戴行變之獨寢爾雅麇大羊注麇羊似羊而大角圓銳好在山崖間寰宇志安南高石山出獐羊一角極堅能碎金剛石卑雅獐羊似羊而大角有圓繞盛文夜則懸角木上以防患語曰麇羊掛角此之謂也今以其角爲馬排沫特善本草拾遺獐羊角有神夜宿以角掛樹不著地鳥獸續考麇羊類羊青而大其角長一二尺有節如指極堅

勁今川以角有掛痕者良星槎勝覽阿丹國養羊各九尾羊益州方物贊龍羊出吐蕃及蜀威茂州形似畜羊而大其角繚上重八九兩黑質而白文以爲帶勝其用亂犀西陽雜俎僧玄奘至西域大雪山高嶺上有一村養羊大如驢事物紀原驢羊生韃靼大如驢尾巨而厚類扇自脊至尾或重五斤皆脂以爲假熊白能順行至數百里毛欲落如絮可線博物志蛟羊似羊而無角啖之毒急就篇顏氏注夷羊重百斤者爲辨王應麟補注夷羊怪獸殷之衰夷羊在牧山海經錢來山有獸其狀如羊而馬尾曰羝注今大月氏國有大羊如驢馬尾是也涼州異物志封羊其背如駝

本草。羊出西北地。蹄皮可以割黍。虞衡志。廣西英
州多仙茅。其羊食之。舉體化為筋。不復有血肉。名乳。羊
清波雜志。河北羊之頭有重百斤者。呂忱字林。野
羊大角者也。本草。羴羊出西番。耳甚小。西人謂之羴
耳。異物志。月氏有羊大尾。稍割以供賓。亦稍自補。復
廣志。大尾羊細毛。薄皮。尾上旁廣。重且十斤。出康居
事物紀原。大尾羊亦名羯。尾大者三斤。小者一斤。肉
似熊。自出哈密。天中記。忽魯謨斯國有靈羊。尾大者
重二十斤。行則以車載。尾西陽雜俎。向北有濮固。羊
大而美。寰宇記。梁氏志。天馮翊朝邑縣許原。下有
苦泉水。味鹹苦。羊飲之肥。而肉美。今於泉側置羊牧。因

相傳謂沙苑細肋羊。諺曰。苦泉羊。洛水漿。天中記。花
浪有鬻羊。土人歲取其脂。非久復滿腹。穆天子傳。雷
水之中。爰有黑羊。白血。道書。食黃羊者仙。酉陽雜
俎。罽賓國出野青羊。尾如翠色。土人食之。潛確類書。
北方有紅羊。為世珍味。南越志。射佗之時。有五色羊。
以為瑞。因圖之。府縣王會。高夷貢。羊四角。述
異記。周成王時。東國進六角羊。周厲王元年。外國進三
角羊。後漢書。蜀復山郡有五角羊。北史。吐谷渾拾
寅。通使於宋。獻四角羊。
別名。曲禮。凡祭宗廟之禮。羊曰柔毛。古今注。羊一
名長髯。主簿。述異記。古人說羊一名胡髯。郎。又名青

鳥一紺珠羊一名白石道人又同州任羊名細肋陝西
又李栢筠家稱羊爲獨筭子仇池筆記王中令賦其
豚詩若把羶根來比金羶根自合與藤條羶根羊也亦
名卷婁莊子謂舜爲卷婁以其有羶行也李朝威柳
毅傳毅遊涇陽遇婦人牧羊道畔自言是洞庭龍君小
女毅問牧羊何所用神祇豈宰殺乎女曰非羊也雨工
也何謂雨工曰雷霆之類也數復視之則皆矯額怒步
飲斝甚異而大小毛角則無別羊焉

羊異韓詩外傳魯哀公穿井得土羊公懼孔子曰臣
聞水之精爲玉土之精爲羊是羊肝必土殺羊視之果
然國語季桓子穿井獲一土缶中有羊焉使問仲尼

對曰木不之怪夔魍魎水之怪龍罔象土之怪曰墳羊
山海經泰山有羶狀如羊一角一目自在耳後自呼
其名淮南萬畢術阿羊九頭而更食國亂乃出晉
書成帝咸和二年五月司徒王導廐羊生無後足此羊
禍也隴州圖經隴州汧源縣有上羊神廟昔秦始皇
開御道見二白羊鬪遣使逐之至此化爲土堆述異
記梓樹之精化爲青羊五百年而紅五百年而黃又五
百年而色蒼又五百年而色白搜神記漢齊人梁文
家有神祠座上施阜帳後因祀事帳中忽有人語自呼
嵩山君文納手帳中得持其頤鬚甚長文漸繞手卒
然引之而聞作羊聲文引之出乃袁公路家羊也神

仙傳黃初平年十五家使牧羊見白石叱之石起成羊
數萬頭搜神記南陽宗定作夜行忽逢一鬼問鬼何
畏曰鬼姓不喜唾上便擗鬼著頭上詣死市鬼化爲羊
伯恐其變遂壘之因賣得錢于五百

